

抱

冲

齋

詩

集

抱冲齋詩集卷十二

長白 斌良 笠耕

天閑勤字集一

三月廿七日恭荷

聖恩補授太僕寺少卿感賦

依然官廨綠雲蒼舊地重過臣味長案牘偶看前署字掾曹猶

賸舊賓行

筆帖式至善正玉十四年前同官太僕寺左司

驚駘敢不加勤策駉駉由來

甯久藏路鼓巾車羈紲僕良才蕃息答天閭

立夏前一日夜雨達旦次日擬邀吳蘭雪中翰可齋弟

棗花寺看花

尾度魚星協吉占蕭齋涼夜水風兼潤含煙薺張油幕暖蹴鞞  
紋拓翠匳鞭筍含櫻纔薦夏綠陰青子正窺簾梵天不礙濃香

染拌折衝泥屐齒尖

曉起過聽綠山莊卽目

侵晨鳥聲肥霽景媚林薄煙霽潑翠鮮風葉淨如沐決決渠溜  
喧隔籬聞斷續意行畦幾稜涼吹散衣縠藉茸土膏酥蔥青聞  
葵綠偕彼灌園叟息機樂猶足

謝查觀察

廷華

惠橘筍用黃涪翁韻

擇甘鄙肉食雋味那得嘗故人餉筐筍齒頰鳴冰霜金丸玉版  
相參錯洗髓伐毛方服玉眼明百顆洞庭柑胸貯千竿渭川竹  
庭前小松長養甚難欄前柳得雨卽活宋星浦感賦余

亦和其韻

勁節凌霄長養難冬心孤抱雪霜寒何如濯濯丰裁好治葉倡  
條澤易干

立夏以來氣序清和北方佳日頗不易遘曉過聽綠山  
莊適留雲榭落成偶一登眺怡神豁襟因簡吳蘭雪  
中翰梅伯言進士兼訂後遊

桑乾河側冰雪寒驚沙刮面愁衣單棟花風番稍暄潤綠陰幽  
草恣遊觀尖頭苔屋環翠幄涼葉翩翻媚晴旭賸天乞得清且  
閒史雋經腴溫爛熟有時學樊課農書穿花老圃宜勤鋤波稜  
甲嫩草頭粹家園甯畏人催租西偏坡陀最森爽淩虛危構緣  
雲上黏天蛾綠脩浮眉然雨媽紅瞭指掌乘興燒筍圖洋川茶  
濤沸雪聒醉眠偶思螺蛤饜芻豢蒙莊我我相周旋山肩孤聳  
作詩瘦成佛愧居靈運後招邀梅尉薇省郎遠續青門吟社舊  
憶戊寅冬臧舟惠山之麓邀馮柳東冷雲岳宋星浦煮  
酒夜談偶成一律馮冷皆和宋獨缺如回首已易五

卷二十一  
霜馮入詞垣而歸冷就嶧山之聘宋舉孝廉仍館澹  
園今夏得粉箋半幅淡墨依稀鴻爪雪泥感慨離聚  
愴然有作索星浦續和以補昔年之缺云

春膏箋膩瘦鴉迢張觸懷人歲五周詩客散如風外蝶宦情閒  
過海邊鷗遊蹤半逐青雲幻煙景翻從麗句求慚愧雲龍逐東  
野洛陽何日蓋多裘

附原作

沙棠圍坐兩三人朋輩呼鐙醉翹春恰喜長年依榜靜怕聞  
候吏報關頻行攜琴鶴官尤韻助得江山句益神煙外九龍  
探未暇竹鑪辜負石泉新

和作

嘉興  
馮登府  
柳東

風月廉夫好福人清鐙細品葉家春官如荀羨年偏少譚似

康駢錄喜頻焚尾兵廚開北府馬頭山店近西神明朝豫約  
愚公谷來看梅花上番新

大興冷 烜雲岳

篙指夫椒問榜人蘭陵香買玉壺春宵沈紅燭坐忘久蓬壓  
青山過喜頻快雪時臨毫有露清風雒誦句如神看公早得  
江山助疏瀹當教光景新

江右 宋 璿星浦

落拓當年賃無人差池羽翼幾經春詞壇早占登科記謂馮太史  
漫士空勞執訊頻冷雲岳子曾屢致郵書未報李尹一舟僊共載杜陵萬  
卷句尤神何時重貫蘭陵酒來聽旗亭按拍新

馬曹

馬曹官獨冷髯戟鬱森森皮相應肥舉心鐙迴鑑臨過虻聽毀

響問雁笑升沈古有無雷國何妨龔勝暗

聽綠山莊散步

露氣浮林淨池光得月清嬉嫌羣稚鬧閒愛一翁行麥懶從人  
借詩成任客評隱心冠冕裏何必羨歸耕

曉步蔬圃中甚適閒趣

扶策柴桑里笑看山月沈老蟬工吸露乳雀習穿林蕭艾從容  
翦瓜壺次第尋賦閒聊學圃不是遂初心

歎壺

機息漢陰勞壺看灌叟操蓮房甘滴露花隄溼通潮點碎珠盈  
串絲長繭細纈爲霖憑妙手萬卉在甄陶

響竹

截筒分析縷氣蒲屏蠅營玉槩勦頻策冰山勢已成滌畝持勁

節逐臭振先聲何事清譚客空教玉塵橫

鄭郎雛鳳樓主人贈書箋用黃涪翁次錢穆父贈松扇

韻

粉光苔織陟釐紙半規餅樣裁冰似荔挺庵頭睡足時惠園東偏有睡  
庭想見抽毫研黛子枯松枝單筆陣寒銀鉤詰曲凝秋山容臺  
二妙那足數置身季海平原閒

坐澄碧堂聽雨和樊榭韻

疏響敲涼葉篝鐙獨聽時雲看低度幔溜想細通池老圃斷壺  
晚奚童送茗遲書船已歸洛東野喜非癡余書畫昨抵京師星

盧全書船  
歸洛篇

入伏以來陰雨兼旬欲訪吳蘭雪梅隱詩巢未果

巾車問字阻閒行惆悵蕉窗積雨聲我本琴川舊漁父不妨蓑



笠出嚴城

幽人卜築上斜街紫雪藤陰舊社開一事朱門半輸與賣花擔  
早過門來

熟梅天氣溼雲屯仿佛江南水竹村不用蘭亭學戈法連朝屋  
漏喜留痕

野鷗端合傍江鄉繡陌塵紅雨易妨準擬秋晴踐前約斷壺同  
醉老書堂

暑雨絲密霽溼異常大似江南熟梅天氣竹韻齋睡起

偶題

片雨陰晴動客疑風光略似熟梅時鞠通蝕字藏琴薦蟾子牽  
絲絡酒后防暑豫儲新藥裏畏寒間檢舊湖絲喚茶吳語來窗  
底殘夢依稀知薄祠

雨後吳蘭雪見訪

衝泥蠟屐叩松關  
譚藝康駢讓獨嫺  
屈指名流誰尙健  
縈身冕紱妙能閒  
鳳毛品雋巢阿閣  
香雪痕迷夢故山  
舊社春明容再續  
城南杖履共追攀

新晴

甘膏雖濟物旭景恰宜人  
鴻翥風扶翼龍潛雨挾鱗  
三農欣滿望四裔淨無塵  
樓閣看逾迴清暉照眼新

雨後曉起赴太僕寺

官閒衙放早泥滑出街遲  
殘雨擎荷蓋晴光媚柳枝  
餅茶濃似酒案牘少於詩  
素位慚無補賡揚答聖時

秋日和陸放翁韻

碧落當秋爽鱗雲疊影纖  
芳蘭齊吐箭晚筍欲磨鎌  
雪藕偏宜

蘇軾詩集卷十一  
麥調梅定藉鹽嫩涼輕襲襖半臂竟須添

老將

底定天山早挂弓據鞍顧盼意豪雄  
臨風每畏聽鼙鼓煮酒偏貪說戰功  
架上遺編孫子法柳梢殘月亞夫營  
旱旰貼伏屯田辦邊釁愁生逸樂中

朔奪黃皮事已徂毛錐安用陋庸夫  
戰袍裏血驚奇創曠騎長嘶感舊途  
倚劍橫看星角燦當壚亂擲酒錢麤  
虬鬚貫耳雄冠倒爛醉狂呼已得盧

星浦寓齋滲漏作詩咏歎予走筆和之

舉頭愁對漏聲酣室壁霉黏蜺與蚶  
涼訝野雲橫竹榻溼疑粉墨畫詩龕  
移書笑比搬薑鼠擁被居然獨繭蠶  
回憶巢痕越溪畔櫓牀欵乃夢清甘

新秋獨步聽綠山莊

短筇穿老圃圓笠障驕陽葉蝕瓜壺出溪渾蛙黽狂折葵旋製  
扇因樹慣移牀萬瓦魚鱗集應輸此地涼

坐抱沖齋漫興

無桐秋亦覺薄暮峭寒增學竈誠何補時艱救孰能擇交矜短  
刺貪讀眷疏鐙大巧何勞乞銀潢耿玉繩

題吳生<sub>偉</sub>老漁圖

破網罾魚濁酒傾鬢絲吹雪扶風輕誰知蓑笠天隨子親眼三  
朝見太平

樂真

餘潤漬苔茵晴光小院新刪詩嫌少作更事羨陳人官雅妻孥  
敬堂深燕雀馴中年當散秩祿養樂吾真

孟秋敬詣太僕寺齋宿

挾被入官廨致齋三日巖樹涼風埽榻花安月當簾政減招尤  
寡心平養夢恬分牖宰餘肉祿隱况能兼

晚晴

鱗皴雲葉碎埽翳待長風綱笠催騎客耰耨健老農井梧高竦  
碧畦稻晚銷紅今夜北樓望銀盤定轉空

寶藏寺和杜少陵山寺韻

紅泉藏澗邃金刹據峯高老衲閒參篋仙源盡種桃旛搖風澹  
宕經閣石堅牢玉映昆明水諸天湧白毫

促織

玉除鳴蟋蟀幽語警騷人繁響變商調秋堂獨夜親翠涼苔暈  
雨纒急杼催晨歲晚宜行樂唐風激勵真

蒹葭

環渚秋葭密蒙茸奈若何花繁團絮雪葉裊離鷗波艤榜涼颿  
發懷人遠思多潯陽司馬淚因物惜蹉跎

池上

池邊殘暑退負手作閒行虹影中流聚蟬聲灌木平琴張遲月  
上茶銚待童烹何必尋茗霽幽居遠世情

初月

蟾景鉤初上羊燈卽次安纖留畫眉樣彎愛角弓端桂隱光仍  
小梅癯影恰寒嬌遊交下九奩啓映冰丸

天河

蒲海探源遠銀潢入望明倒懸波不漏虛映色逾清躔度鄰魚  
尾煙霄隔鳳城乘槎訪機石秋老畏潮生

過壽因寺憩方丈

訶林香蔭綰鳴騶  
芋火蒲團作小留  
架壓明珠垂馬乳  
堂參玉版證貓頭  
村僧本色貧依佛  
醉尉蒼涼老不侯  
只賸盧龍嵐翠古  
可窗笏擁數峯幽

妙應寺題壁

秋在垂楊散亂絲  
如弦石路鬪車遲  
圓庵柿葉酣霜爛  
苦茗閒參覺範詩

秋塘

閉門詩境少開卷  
益人多坐愛檀欒  
室書藏躑躅巢山  
幽香憶桂屋老綠  
牽蘿花鴨秋塘浴  
兒童拍掌過

十三日夜蚊蚋喧集苦未能成寐

鼓翅飛騰利比錐  
營緣襦袴股膏脂  
漫矜長喙陰相刺  
好夢拌

教亂片時

柳窪卽目

蓼枝涼意帶蜻蜓  
柳陌菱塘取次青  
誰家花鴨戲波外  
拍碎池中九子萍

新秋至衍法寺偕

紹暉

和尚茗話

拂雲鵬脚倚庭偏  
坐久鐘魚帶茗圓  
指月宗探三藏祕  
高權追話十年前  
天龍畫壁鱗飛動  
野鶴當階羽潔鮮  
人海喧闐塵滓濁  
扶留蘭若漾秋先

偕延興延秀二猶子出西直門遊極樂寺國花堂小憩

過覺生寺入門坐古松下如翠幢高張綠照眉宇禪  
師海峯導登鐘樓鐘明故物也適逢午參聽師說法  
二子請予紀遊並擬楓葉丹時邀蘭雪重聯社約賦



此代簡

陽鳥怒飛汗揮雨高眠斬簟如冰蠶涼歸潦盡風日美晨策稅  
駕鞭羸驂嘉招曷暇客簪盃阿咸昆季偕余三招人細路集落  
葉藥闌蔬圃頻搜探講堂未厯已心醉杪櫺面壁垂縕縑到門  
忽見大圓鏡枯荷擎雨搖鐙龕渠行碧玉引初步野鶴瘦影澄  
虛潭大瓢團月潤舌本不數惠麓泉芳甘苾芻點綴出新意風  
軒竒篠藏癭枅紅泥亭子洞窗戶綠蛾四面堆浮嵐支藤倒笠  
極欣賞竹粉半脫秋衫含四百八寺煙雨裏聲聞互答清音韻  
靈山震旦眾生覺萬石簾重傳瞿曇勝朝灑物略不覩歐薛稽  
古空耿耿迴車竟造滿斜照聯翩翬展行趨趨碧幢羅懸松偃  
蓋布席趺坐恣嘲哈埽苔迎客值老衲龐眉雪色希彭聃袈裟  
前導陟初枕華鯨指點吾先詣金川一炬靖難起穿城燕子來

都南齊黃枋國等築舍削藩嘗議空帖喃西山老佛走畏徧棟  
也涼薄心懷慙秣陵黷武京觀築珊閣懺過蒲牢身聚金鑄錯  
營媚禱神祇遠福誠愚憇長宏碧血黯不滅追蠡慘澹浮朱藍  
摩挲俛仰退齋閣濡染大筆辭泓涵午參隨眾聽說法當頭棒  
喝祛嗔貪萬釘寶帶頓輸卻機鋒銛利逾矛鏃我生如寄信蓬  
梗觀身已寓芭蕉函慕思辛茂守汴土銛筒紛遯憂如惓會須  
投効脫簪紱援嗔鶴怨情難堪周何那解妻月累山王幸接虛  
無談馬曹官我實滋愧駑駘奮足龍驤參頤光樂志任檣散尋  
幽排日攜都籃楓林晴暖葉敷翠丹黃仁待凝霜酣說詩準約  
鳳池彥重聯社約蓮蒲庵

蚊

白鳥集嚶嚶求憐昏夜行股膏陰有術喋血酷無聲山負言尤

妄雷殷聚竟成下幃揮羽扇高枕足平生

蚤

跳躑疾於蝨徒繁襦袴中性情多躁妄腥穢善彌縫炙手憑欵  
火潛身避漆筒漫愁芒在背指點滌羣雄

廿八日入太僕寺公退出城詣客

晴光浮爛漫出戶興餘嘉素位慚稊粟公閒滸餅茶碧抽書帶  
草紅壓印牀花司牧原吾事無煩贈馬過  
滅字看懷刺門關次第尋巾車疑泛宅瘦轍積淵渚思切室何  
遠天晴淖轉深結茆依翠巘辜負紫芝心

武林村人於葛嶺西偏廢圃掘土得古硯石質瑩潤背  
刻雙龍抱珠中鏤花押按宣和圖譜九五一人爲宋  
高宗押字此硯或半間堂舊物遺落榛莽閒者墨君

江翁持贈因悵歎久之作歌以紀其事

紅絲滑膩不留手割得端溪雲葉厚蟠龍雙抱意明珠有文在  
背書結紐宣和舊譜吾素諳押字宸題數陽九虎兒英物疑攫  
得投贈湖樓憶江叟神蛟破壁鳴殷雷沙汰江河灩澦堆水晶  
宮闕研材出寶貴堪與璠璵儕璵窗展玩徵事實天水碧冷王  
孫哀廢井爭傳排戟第半閒遺礎沈蒿萊紹熙遞嬗事荒譙織  
兒假子羣呈材寒翠堂幽濃蔭合險麋鳳紙輕臨捐穎肥楮瘦  
詎同論玉匣神龍溯戈法祕藏虎僕上方珍離石鄉侯賜近臣  
蟋蟀鬪堂星鬪次黃扉調燮費經綸襄樊礮火三年困葛嶺笙  
簧五夜春石不能言色黝綠淚痕滿眼悲鸛鵒倉皇草檄走邗  
溝表請南遷太熒惑三策翻嗔立信庸六軍逐北已延辱宋家  
已無乾淨土誰使神州漸沈陸烏乎玉帶生橋亭卜盡臣遺老

精靈託物以人傳得所歸藝林書圃恣譚噉嗟爾遭逢亦數奇  
徒界貪饕懼慢褻過眼雲煙得寶歌麝薰綈襲日摩挲真頑片  
石胡輕重遺補東京舊錄多

八月七日新桂盛開邀姚伯昂太史吳蘭雪中翰小集  
話山亭

涼宵淋漓滴疏桐尺素嘉招兩寓公輒趁綠蕪雙屐雨香飄黃  
雪一襟風賞奇倭國叢書假燕坐蕭齋品字同禮數豈緣吾輩  
設不妨來醉冷香中

伯昂寫秋蔬圖見贈題句有主恩容宦隱瀟灑菜畦閒  
作此奉答

門巷張羅可衣帽約往還地偏容養拙恩重豈投閒雨綠蔬畦  
棲雲陰屋角山墨花飛一幀寫出竹籬閒

雨中偕宋星浦遊極樂寺

細路盤紆落葉層  
筍鞋訪勝集吟朋  
龕燈澹對低眉佛  
隔竹涼歸下版僧  
苔螳參寥題字溼  
蹠涔莊叟寓言曾  
半環蛾綠堆牆角  
疏雨幽欄幾箇憑

題極樂寺再疊前撾字韻

塔院秋光合亭軒  
位置嘉迎涼雙竹  
杖留客六班茶接  
簞通渠溜分畦種  
細花殘僧遲報謁  
粥鼓畫廊撾

青豆房幽折寬鞋  
接武尋芭蕉自堅  
固杯勺小亭涔淺  
碧鷗汀漱濃嵐漁  
市深木屋香觸鼻  
微會妙明心

勺亭

灌木醉斜陽疏櫺  
四面張溜微穿石  
罅亭小聚秋光拱  
立楓人瘦無言髣  
叟蒼蹠涔魚莫泳  
妙諦靜相羊

國花堂散步

寒泉穿沼破苔層  
鴟舅丹黃覆勺亭  
扶策尋過佳句少  
前身定是鈍根僧

偕星浦孝廉可盦弟小集竹韻齋

薄霧細成雨  
喬柯翠逼雲  
萼香烹酒半  
桂馥綻秋分  
泉筑穿花落  
茶濤隔竹聞  
野鷗休避客  
同是賦閒羣

雨後過草堂

驕陽胡太酷  
一雨醒苔痕  
晴院曦微漏  
溼空雲  
尙奔竹  
方誰作  
杖花縟  
自移盆  
無限塵中事  
幽居且莫論

起遲步池上

薄宦原無事  
貪涼睡起遲  
秋潭澄竹露  
晴旭媚花枝  
十字裁胡餅  
雙弓煮粥糜  
夜來詩未就  
亭角復尋思

初遊頤園得詩三首

鹿砦玲瓏築鷗波滑笏交亭虛延綠眾壑邃闕雲坳薄臣嘗雞  
肋浮生濟佩飽菟裘日營葺漫惹沁園嘲

曲磴盤幽篠澄波照畫樓隊魚僉呶沫獨鶴自鳴秋雜沓交朱  
履崢嶸欲白頭麴生風味好坐右且句留

已悟如如旨心光卽鏡光詩禪蕉葉碧茶夢竹風涼舊雨情原  
洽初遊路未詳雪鴻留爪迹點筆石闌蒼

重九日偕星浦孝廉松垞可齋兩弟登話山亭賞秋

宦遊冰槩戰膏粱三徑歸來菊未荒桑落又成重九會竹根淨  
滌十年忙照波影鬢浮鷗白爛醉豪情擘蠡黃繫馬繁臺成底  
事家山容得次公狂

九月望後一日吳蘭雪中翰過訪小齋留飲賞菊再邀



姚伯昂太史徐星伯中翰適徐以事不果來因拈癸

卯年時帆司成法式善棣庵宗伯鐵保兩先生小集

澹園舊韻敬步二章

涼颺遠愜澹冲襟竹逕招尋趁碧陰杯勺靜涵青黛色松篁寒

奏玉柯音池深漫說知魚樂俸薄難諧買鶴心園中欲買二鶴以值昂未果

有美徐公期不至畫圖誰和蓼花吟徐太史纂西坡河源志未刻引遼史何承矩凡橋脩

事

四十無聞百不成崢嶸臺省愧諸兄茱萸煮酒風光晚蒲褐談

詩氣味清庭鳥嘲喉何太黠池蛙善怒不須爭繞墀壽草稱三

益肯向霜寒結友盟

秋夜不寐懷極樂寺

銀燭幢幢翠幌侵心馳難治亂絲琴蛩聲似雨月波漾木葉戰

空霜氣深閨苑書成聊寄遠繡檀夢好早攤衾喜園聞說天葩  
豔準備都籃訪道林

連日出遊諸寺偶然遣興

酬唱詩牋厚疊層連朝南郭覓吟朋寓公蹤迹同巢燕冷宦情  
懷罷講僧柳下頻聞三見黜淹中退處百無能風軒淨掃秋光  
爛向晚烏皮几獨凭

偕星浦孝廉可盦弟遊釣魚臺沽酒買魚欣然醉飽歸  
途欲訪衍法寺會日暮不果

放眼琉璃界澄河大鏡圓萍香熏鳥夢嵐翠浸魚天寒菜燒山  
店香萼憶釣船菱蘆商吹發野外帽幫偏  
丹閣翔飛楯仙臺未許登沽春今日又選勝昔年曾長嘯攜輕  
屐流光付瘦藤蒲團趺坐未寥落舊房僧

微涼獨坐小齋僧送秋花適至仍疊搥字韻

山齋低似舫蒙密樹陰嘉詩讀臨川集香分顧渚茶客題秋後  
扇僧送雨中花福性幽棲熟扉防俗客搥

獨遊萬壽寺懷吳蘭雪

訶林深掩半弓苔瘦策扶將陟講臺佛頂松聲晴浪吼湖心荷  
氣淨香來暫拋簿領參迦葉小憩精藍煮芋魁挈鷺未嫻成獨  
往籠紗新句共誰裁

過斜街訪吳蘭雪再疊搥字韻

羈羈藤陰壓街斜騷人門巷景清嘉閒蹤晴晝來評畫

蘭雪出宋人留

續圖宋捐大觀帖見示

好句春山記鬪茶

蘭雪遊理安看採茶詩有一水定中惟石佛萬松陰裏忽桃花

之句爲人傳誦

何季宦情輕粟米林逋孤詣到梅花劇譚正暢昏鴉起

惆悵巖城轉鼓搥

遊釣魚臺星浦和作甚佳復疊前韻

金粟飄雲外茅檐說餅圓  
禾雲黃犢隴柳浪白鷗天  
自瀾甌鑑茗誰呼竹葉船  
菟裘營許我不厭地幽偏

小阜堪流憩褰裳試一登  
沼繫羞卻可釣餌設何曾

昨往釣魚臺未攜魚竿

樵爨憐松枯雲霄上葛藤  
煙鐘晚來急竹院半歸僧

逆釣魚臺晚歸

欲訪衍法寺未果

李鳳岡太守後園築臺日坐登  
眺伯昂蘭雪皆有題咏

太守來索詩題此補壁

聞道凌雲構支筇獨往還  
盤螺揖峯翠孤鶴伴身閒  
縱目天邊樹浮眉雨後山  
幾時撥公事來醉菊籬間

讀道藏

榴皮爛漫走秋蛇  
賣醉頻過東老家  
採藥歸來仙犬吠  
洞門吹

滿碧桃花

一聲霹靂破寥空靜守元關些吉紅縱使丹砂紛雨擲笑他狡  
獪弄神通

偓佺臺嶠駐朱顏翠水罡風忽引還不是珠林貪飼鶴銖衣早  
領五雲班

萼華權當侍兒扶火棗交梨饜飫無八萬二千脩月戶眼塵淨  
洗認靈珠

綠章忽捧到蘭楊牧土宮王沛澤縣赤札琳書無一字天廚小  
謫倏經年

珊瑚鐵網粵難收海徼任公浪下鉤路值採芝諸女伴荷鋤瑤  
圃尙句留

漫云真性悟如如咫尺丹崖好曳裾畢竟修功行薄藥珠重

讀紫泥書

自寫峽江晴浪圖

峽束滄江湧亭依翠壁寒天然好圖畫誰得倚筇看

題睡鴨圖

兀睡豈無爲長鳴恐世驚風霜歸短翮煙渚託深情昨夜水新漲前汀草亂生蘆中舊鷗侶懶與續閒盟

秋夜獨坐味雨草堂

月子彎環半樹遮秋聲灌耳境幽遐已焚諫草籠詩草喜讀南華略法華鐙影蘆簾霜氣醺菊枝瘦本墨痕斜垂頭一任奚童睡欹鉢風爐自煮茶

太僕寺官牧場雪凍成災馬傷者眾感賦

肉食自怪此腹皤讀書頗覺眼孔小四十頭顱白染霜笨車輾

輓長安道中朝卿相多英年垂魚擁笏胡踟躕朝備顧問坐鳳  
閣轉入宿衛依龍淵今年夏秋苦淫潦蒼耳生田蛙處竈灑沈  
誰救蕩析災橫目之民失懷保司牧同伯爾漫豪聖時素位  
恣哈嘲那林果爾風雪塵那林果爾在張家口外太僕寺牧場雪花堆積如屋高  
泉凍草枯丁牧逃天閑四萬慘不驕陰陽固是宰職調笑爾悠  
悠官馬曹

遊釣魚臺

湖趺柳蔭任車停水枕嵐衣一脈青漁父藉蕺呼不醒槩牙飛  
上小蜻蜓

土銼然其傳飪靡草窗涼翠映荻蒲煙波滑笏塵襟沆新署頭  
銜陸瑀湖

十郎茶肆啟都籃熱癆能消一勺甘笑我疏狂同畢卓瓦瓶村

釀恣饕餮

校衫斜披下釣船半牀閒鷺守魚罾衝波乳鴨羣驚散菱汊分明界一繩

蘆根吹火晚風輕滿甌香杭煮未成筐底魚花堆勝雪來朝相約入秋城

水鄉風味舊曾諳眯目驚沙久未堪宛似福州癡衲子扣舷只慣唱江南



同懷弟法良校刊  
男崇福謹校重刊

抱冲齋詩集卷十二

長白 斌良 笠耕

天閑勤字集二

修葺澹園書齋

尙書灌木百年栽雨漏茅茨半掩苔性逸有時耽水石宦貧無力起樓臺畫筒茶筴奚奴典紫鳳天吳舊繡裁松竹從來宜靜賞柴荆雖設漫輕開

題香蘇山館後集

飄瞥御風行心花忽怒生鍊神凡骨換脫手彈丸輕天馬真空闊慈烏總性情江東吳季重惜僅以詩名

遊昆明湖坐青龍橋茆店中沽蓮花白酒自飲

細草閒趺坐都籃攜取便簫香蓮葉釀霜醖菊花天晴淥衫痕

指海詩集卷十二  
川可上  
七  
染斜陽帽影圓柳汀涼意味吹到雪鷗邊

澹園用元遺山老樹韻

霜顰楓留葉籬荒菊自花日高飛野馬天遠見歸鴉薄宦欣身  
健孤吟背手斜去年冰雪裏書劍正還家

有會

無言方是學能解便非詩珍重臨崖馬條分縛繭絲石磬深澗  
定雲掃太虛知心鏡如如朗光明內照時

漁庵漫興和馮柳東韻

濟勝無勞覓窳阿寥空鴉點盼庭柯古當濃潑瓦松翠爽塏涼  
吹蘆汊波縮手豈緣看世熟潛心畢竟得秋多老饕一箸鱸魚  
飯遑恤淹中歲月跚

姚伯昂吳蘭雪偶過澹園小飲卽席

客來不速亦因緣，瓠葉旋烹翠釜鮮。同是酒人誰戶大，略舒梅信冒庭偏。鷗綺席聯今雨斫，鱸蓬池話昔年投轄。孟公高躅繼不須惆悵，夕蟾圓。

大風過廬溝橋

風勁馬蹏驕，鳴鞭度石橋。凍雲凝淺黛，寒色怯豐貂。狡獪丹砂擲，砢砢珠浪跳。鼓鼙思將帥，應數霍票姚。

晚抵良鄉縣夜宿茆屋

車敝驂羸到縣遲，尖頭老屋掩茆茨。不須蓮漏銅壺滴，自有窗雞代報時。

過魚兒溝

鈴語衝寒度遠岡，千盤瘦轍劃朝陽。霜淒柳帶幾痕碧，塵逐蘆鞭一綫黃。迎面浮圖方我瘦，傍林亭堠笑人忙。吳船六柱前遊。

記簫鼓春祠七里塘

淨業庵齋宿

淨土青鴛十笏圓  
佔廬一縛伴齋虔  
笑拈柿葉題詩問  
人海藏身幾變遷

太僕寺齋宿題壁

堂吏周旋散值遲  
窗櫺景度樹移枝  
借將刳牘研朱硯  
靜寫平原齋閣詩  
役貧身比棲鴉瘦  
樹古枝成老鶴形  
鄭重驅黃具眞賞  
鐙疏茗雋坐寒廳

邀姚伯昂吳蘭雪茗話

牆短頻呼酒亭虛  
擬話山相邀向禽  
過時與陣鴉還樂  
事逢開口秋花且  
破顏半生困晨鞅  
莫負此蕭閒

廿九日大風悶坐

殷地雷轟大塊乘蛟龍氣共暮霞蒸八公草木疑兵沸七里煙  
罪巧霧凝閉戶漫喘蠶瑟縮摩天會見鵠騫騰颯輪激石餘威  
戢收斂神功萬象澄

三十日齋宿夜中感賦

輜軒來去雨中萍依舊齋魚隔院聽

寺鄰元真觀余任太僕主政十年前曾入觀瞻禮

四十平頭雙鬢白勳名應愧竹鄰僧

過朱虛舟中丞

勳寓法華寺

畫檐風鐸語琅璫訪舊重過選佛場初地送人常作郡朝

天記我乍還鄉

辛巳年余來京朝觀賃宿寺中

長鉤難制惟狂象苦茗相酬半

啞羊菩薩低眉道堅固荒寒誰熱石鑪香

過慈雲寺

以下和六弟可盦蘄州途中諸作

煙霄鐵鳳臨  
窺我快覩名  
藍振轡過冰  
合路通車騎  
滅寒峯森  
較旅人多

燕郊逆旅見去歲壁閒題詩已被糊去戲題

衝寒炙燭照牆東  
舊墨鴻泥迹半空  
疥臂竟教羈客笑  
麥光箋裏勝紗籠

晚村偕晴蘭八兄夜話

瓦瓶凍釀待君溫  
親誼劉盧共一尊  
貪話翻嫌冬夜短  
磨鐮霜月照蓬門

仙繭雙功訝許同  
擁裘圍坐吼霜風  
薊門嵐翠溫榆水  
齊逐鞭絲指邑東

白淵道中

到此應投足  
雙楊冒旅亭  
鴉馱殘照赤  
驢踏晚霜青  
酒力衝寒

減鈴聲入夜停自憐鴻爪迹泥雪記重經

梧竹拋三徑驟網陟幔亭嵐光凝貝紫書味戀氎青舊雨歡難  
盡勞薪轉未停車箱趺坐穩剛日且溫經

刻露芙蓉朵凌虛見草亭雲攜衣袂重峯壓帽檐青竿籟寒猶  
奏驪歌晚漸停寶華晴雪峪堪採入圖經

繞斗峪今春奉旨名曰寶華峪

風帽衝霜峭寒茅古驛亭凍泉飛鷺白塞岫石螺青鞅掌檐帷  
駐琴麗翠蓋停絳桃蕭寺路曾護屬車經

寓真武廟用煦齋相國英和元韻

曲徑凍雲迷松幢偃蓋低馬飢尋院草燕冷悶梁泥斗室虛生  
白丹鑪暖不淒神廬須固守何事怯霜蹠

登城北樓和煦齋相國韻

欬唾金天近雕甍紫翠間飛狐橫古塞奔馬走羣山霜勁弓刀



肅時清戍卒閒角聲孤起處白日澹燕關

塔子山

阿育浮圖八萬盈白毫淨吐相光明岡巒當午撐圓繖雲截金輪一樣平

曉發石門

十萬橫磨遠岫蒼又乘下澤走山陽磴雲壁紫紛濃淡車鐸和風語短長驛吏黎鐙催庠馬田官春酒薦羔羊穀星璀璨豐登協都趁霜清滌圃場

八里橋題六言二首

蒼隼橫盤塔影棲鴉瘦帶橋痕添箇楸頭斜檣居然圓泖漁村蘆雪晴吹石埭茅龍冷換巢痕驢背詩翁倒指凍雲濃沁山村

冬至日感懷

馬蹴谿坳落葉乾，盪胸雲海四圍寬。  
葭灰吹琯烏竿正，蘆絮迴風雁陣寒。  
客子齏鹽謀不易，祠官袍笏辦應難。  
飛甍澤被山農喜，遑恤歸程雪擁鞍。

和可盦 東陵途中紀行詩畢再繫一律

店月橋霜宛在眸，春膏箋膩爛銀鈎。  
詞鋒筆底奔雲海，夢味鐙前到薊州。  
封謁聲華遜腰鼓，俊廚名字重琳球。  
一篇白馬多虛擬，權作聯鑣逞雋遊。

冬日坐味雨草堂

打頭茆屋矮風物，卻清嚴荒翠環。  
蕭堵晴曦滿布簾，詩筒閒復理瓶水。  
竭還添擬學泉明逸，頤光養性恬。

新葺松嵐晴翠閣邀宋星浦家可盦詩以落成

鳳城佳蔭葱龍簇，矮榭迴廊窈深曲。  
偶思展矚谿詩襟，峯巔新

葺三閒閣褰裳扶策暇登臨萬象涵空紫翠呈擬學庾公朗吟  
嘯肯教宏景獨崢嶸仙人盡說樓居好青瑣無塵尤靜峭凍雲  
擘絮鳥邊橫寒奏松籟嵐翠繞殷兄張丈慣招邀纔捨詩筒鬪  
酒瓢只盼東皇陳玉戲擁裘香挹綠梅梢

臘月廿六日萬壽寺齋宿

燭影幢幢駕舍明又來領略寺鐘清吾生已受尼山戒懶讀楞  
嚴案上經

山肩孤聳對龕鐙散秩原如退院僧忙裏韶華真鶻突一丸涼  
月挂疏藤

立春日雪寄陳荔峯學士

銀罽翠管正頒春翦水旋看六出陳糝徑綠迴庭草色綴枝腴  
趁玉煙新淨通曲幕低銀蒜融洽康莊溼畫輪太史書成盈尺

瑞

恩波先已及詞臣

學士是日蒙恩授  
文淵閣直閣事

餽歲和東坡韻

素位竊稊粟勲庸愧少佐酬酢結古歡囊空乏寶貨茈茈物幾  
品餉薄全禮大啓篚彘孤撐開籃鮪雙臥吳越饒纂組文綺爛  
盈座燕冀珍蒲蓮膩粉煩鷄磨負擔走蓬頭肩頰沿門過蜀俗  
重惠遺芳躅千載和

別歲

屠蘇欣後飲臘鼓喧巷遲明知歲終改癡相徒攀追緬昔長帽  
翁淹泊吳江涯奔騰輪下坂狂駛無還時惜陰紛祖餞爛煮瓠  
葉肥緇衣感猶切懷彼涼踣悲日往復月來長揖前致辭韶華  
任虛擲綠鬢猶未衰

守歲

三百六旬數繫尾常山蛇流光紫電掣簾幕迴環遮功名上竹  
鮎其如壯歲何徵逐羣稚嬉鏡卜聽喧譁紅炬看密燒曙鼓愁  
頻撾傾耳竹爆沸矯首張嘹斜蜩蟬百年事強半已蹉跎辛盤  
永夕陳固守無矜誇

正月五日瑞雪盈尺招同人舍弟集松嵐晴翠閣適陳

荔峯閣學

嵩慶

朝回過訪卽席分得醖粉樓臺四韻

效歐公禁體

陽和敷化澤休徵協圖驗寒飈襲紫裘密霰萃紅澌階墀爛光  
景圭璧鬪華豔修坂蘭葉滋阿窵松翠醖挈侶陶嘉辰霄漢屬  
遐念鼓打太平圓雙歧瑞充贍

薨裘蕪未治檢身實廉謹滕六效般倅苔壁代堊粉溼雲凝不  
收纖月破蟾吻梅南林屋深逸希和靖隱覲覲醉眼纈煙景蓬

頃近靜籟奏松簧天倪闡精蘊

惓惓睇林越煙薺黏天浮擁裘歷瑤圃珮玖窮琬鍤圍鑪品字  
坐煮酒彈箏篴餘潤溼簾額淨影通窗油薜徑印鶴步蘆汊養  
鳥羞披襟致景多竹外延山樓

鱗鱗度車韻巷靜晴光開鸞坡

賜茶宴春從學士來御氣

襲宮錦芳馥沾蓮杯聲價重山許賓彥聯鄒枚摘藻清祕堂振  
轡通天臺愧乏瓊瑰報空懷八斗才

新春試筆

臘鼓聲圓令節更茗鑪琴薦對雙清崢嶸朱邸交投刺澹石青  
氈獨結盟羅雀蓬門晴雪擁聽鶯柳隄碧煙橫行年四十仍如  
是孤負韶齡驥子名

月之八日齋宿太僕公廨拈東坡大雪號令趙薦以詩

相屬韻和荔峯閣學

長鬚遞吟筒郢曲彌寡和得毋事朝請魚鹿喚無那詰朝密霰  
零積重鳥巢墮晶鹽細飄糝麥高揚簸脂車踏輦紅鳴珂照  
璀璨身非許休文衣食共馬磨詎若桑宏羊山海輦泉貨胡爲  
困塵鞅致使豪銳挫馬曹樂無事告虔齋閣座幸免東郭行漫  
學南陽臥寂聆茶濤翻巖想仄徑珂挑鐙拈韻帖麝煤衫袖浣  
煙焚玉梅繁檣蕾衝寒破拉伴醉山茨芋栗催奴課班香薰豔  
藻島瘦屏枯餓促膝待論心還拌萬錢賀

正月十三日出北門過土城至彌勒庵小憩卽題禪舍  
壁

杲旭射滉漾溼銀融沓沓稅駕遵修途暢轂任掀簸漫矜炙輶  
滑遄恤障泥彈金元餘古甸壞堞峙鬼窟斷捩天棘蔓遺礎蘚

花裏瞬目睥睨雄頓失北門鎖晨策值新霽延睇景亦頗羶羶  
靄微陰襯出翠鬟朵粉釀積素岑蒼穹染色卵鮎埼蒲稗因牛  
欄薪葦塚瓜廬揚酒標蘭若明塔火言尋青豆房稍息股膝惰  
雲冪佛香沈竹窻茶煙妥解脫三心縛高登四禪坐彌勒供鐙  
龕肩袒捧腹果圓相示真諦宛爾象筮我庚年督軍轅銜尾集  
萬舸影纓邁殊俗身繡對青瑣辛歲官大梁鉅簡事叢脞側聞  
雋不疑執法少偏跛待詔歸承明馬曹秩遷左何爲是栖栖家  
國忝負荷余默肖啞羊低眉顏慙羅作達山元卿一笑置之可

天街踏鐙詞

紫陌浴銀溼斂塵柳梢蟾彩一丸新貪看鼇背心珠耀不覺輕  
寒悄襲人

光映潛蚪聽轉更相將大市踏鐙行藕絲梅片玲瓏刻銀燭籠



抄寫太平

佳節傳柑唱落梅春聲天半響殷雷泥孩竹馬車箱滿知是曹

王廟裏回

城西曹公觀廟市尤盛

貰酒陽昌醉綺樓嬉春拉伴趁遨頭登盤風味南中雋厓蜜甜  
應勝石榴

鬧蛾爭耍鼓鉦闌拌擲吳王買夜錢一樣彩雲金鏡朗元宵捧  
出十分圓

繡幃風吹笑語香斑雕齊駕有檀郎麝心富貴癡兒福列肆包

鐙總吉羊

鐙市羊鐙最多

看場人壓一規圓小隊排當濯錦鮮且伴髫童作喧闐次公狂  
態復今年

禁弛金吾傳五夜農家休協兆豐盈樊樓鐙火盤闌市華縛風

光數

帝京

京師自十三日上燈至十七日諺云五穀豐登之象

正月十六日同姚薦青太史徐星伯中翰陳太守俊千

見亭太守麟慶城外觀劇向晚入城看燈

春風邀客共飛觥花纍攔堂暢舞輕弛夜漫愁魚鑄鑄迴車猶  
聽鳳簫鳴雪融繡陌疑過雨雲掃浮嵐欲入城聯臂踏燈歸恰  
好圓冰纔向畫樓生

小技

小技雕蟲陋壯夫翦紅刻翠學鴉塗濡毫妄說千軍掃掩卷深  
慚一字無兩石何如識丁字半生枉自守癡符經腴史雋溫須  
熟精孕真源氣味殊

春餅和穀人先生韻

白蕎麥麪趁冰盤花裏行廚疊復單月樣一規圓白雪香風滿

甌剪齊紈詩題翠黛歡難洽齒嚼紅綾夢已闌  
豔共桃花仙粥歎何郎休拂袖痕看

家藏古畫數幀閒窗展玩與到各題一詩

馬文璧松逕歸僧

磴道盤紆蘚色侵拖雲筇細入幽深蒼髯玉立冠綬重不放疏鐘出定林

王叔明蒼厓飛瀑

飛流千仞界青山側耳琮琤水樂潄滿地松花雙鶴守道人行藥未知還

沈石田石城積雪

江介鳴臚憶舊遊六朝金粉畫圖收  
嚴寒城闕春雲溼一路看山到石頭

文休承風簟清聽

燒筍洋川瘦句逋絲笳清籟碧陰敷幽人鎮日攤書坐熱沸能  
教一个無

柯敬仲秋林讀書

水琴山障對書堂照眼丹楓半染霜攤卷何須求甚解箇中滋  
味倍深長

陳道復溪山幽邃

刻露巉巖疊翠屏攬挈枯枿冒藤青山焚深窅無人到屬玉鉤  
輞獨自聽

唐子畏雪橋訪勝

乾雪冥濛暖未消玉煙深處翠帘招沽春乘興閒來往隨著驢  
兒過板橋

正月廿四日 圓明園值班夜宿大樹庵與寺僧圓印

話舊

尊勝幢邊繫馬韉  
訶林濃蔭抱階圓  
佛燈遠照車三乘  
禪榻權分客半旣  
坐到團蒲增月想  
地臨仙籙接星躔  
老僧笑指松枝說  
樓閣華嚴別五年

吳蘭雪示昨臘守歲絕句疊韻和之

凍毫書券溼塗鴉  
茗料鑪薪半是賒  
畢竟還家具真樂  
青紅兒女簇團花

奴星餽歲集羣鴉  
爆竹千門聽轉賒  
閉戶詩篇先懶祭  
半瓶寒碧浸梅花

繞籬疏柳盤瘦鴉  
茅柴滲漉賤能賒  
漁庵靜者發高興  
康觚自種山薑花

玉煙條瘦踏昏鴉持較林逋趣不賒著意東風偏眷我一肩春色送唐花

友人贈山茶二株濃豔異常戲成排律二十韻

香國曼陀樹新移傍井幹嘉名團月小舊夢翠巘嶮品重康觚  
插風流玉茗刊側疑懸磬挂圓愛寶珠攢浪擲珊瑚架徐傾瑪  
瑙盤水犀裁厚葉火齊繁輕丸密瓣羞窠錦繁枝簇繡鞦韆烘  
魚尾赤暈沁鶴頭丹梅額應輸瘦榴心略帶酸紫雲朝拍按絳  
蠟膩脂彈醉態酣妃肖香罪下蝶難奇熏誇篤耨步障護筠竿  
聞道滇池產還勝閬苑蟠姑蘇拙政園山茶夙著在滇南者爲尤豔喬柯淩藻井豔  
影拂雕欄雋味儕盧陸妍姿邁虢韓蘇題蜀素崔白繪齊紈  
粉塔堆原異霞綃捲未殘膚豐非少態韻極那禁寒何日都籃  
辦莆陽恣飽觀花身高十丈常圓雪霜看

正月廿四日出西直門赴圓明園值日

層嵐翠擁國西門朝請連宵結駟奔松雪半明煙際塔蘆芽纔  
冒水邊村蟻盤石磨團團躋鷺立湖光淡淡痕去歲今朝尙堪  
憶一編指月瘦權論

王午正月下旬遊寶藏寺偕寺僧靜省談禪一刹那頃忽又改歲矣

介春侍郎

耆英

每索近作鑒賞殷殷賦此誌謝

文瀾宦海馬牛風故物青氎尙熱中瘦蹇嬾探梅嶼雪疏鐙貪  
翦竹窗紅敢希學士戈傍補怕說將軍競病工短紙斜行消白  
晝壯年慚愧習雕蟲

積水潭在城北煙水頗盛余於嘉慶壬申曾遊其地忽  
已十年今春過潭上龍神祠尋寺僧不果爲賦長律  
用東坡東湖韻以紀之

樓角昏鐘殷煙霏夕染藍勞薪轉未息珊瑚骨鯁難堪衝淖疲驢

喘論功遼豕慙蛤蜊吾且食米汁佛須泔突兀瞻香阜錚鏦走

碧潭溯源經甕麓分派匯都南虹彩雙橋鎖韓紋太液涵積水潭即

元季通惠河郭守敬所濬其原經潞縣達溫榆河入大通橋至德勝門之西匯入積水潭穿東鴛鴦橋入西苑之三海子支

流由門東水關南達城河潭上積石爲小岡雜植松栢建通濟神龍祠祀焉其地不但煙趣可觀

實京師水利之大關鍵也定巢憐鴛拙觸網憫魚貪龍吻奔

源激蚪枝法雨甘山情儕謝朓霞想屬蘇耽灌莽春猶翳叢祠

路舊探機鋒輸帶玉朋輩盍瑤簪佛印圖燒荀琅琊帖噉蚌客

生驚竄跣僧嬾肖眠蠶梅豆青堆葢櫻桃絳壓籃酒鎗偕畢卓

蠟板喚何哉昔夢悠揚絮浮蹤變滅嵐篠窗煙爨幕莎徑綠甍

甍肥遁懷商綺和光愧李珣濟時慚管樂養素慕周郊松竹延

心賞滄溟託意含嶺援疏見惱宛馬駿原諳謬忝鵠班厠難諧

鶴樹譚豆腐誰卓錫蘭若漫停驂癡想攜茶具重過作小參菴



羅修正果舍利發深函  
面壁年盈九過橋笑有三  
載賡長帽句粥鼓各聲韻

自題話山亭和東坡會景亭舊韻

嵐翠伴情話此亭真可人  
豈徒閤林樾自覺遠器塵  
縹緲浮樓觀高低列井闢  
鳳城春樹密龍藏利竿新  
選勝來珠鞍尋芳碾畫輪  
橫拖花外杖斜墊雨中巾  
危構全存樸苔階總舊因  
成蹊待桃李烹鯉更留賓

二月上浣朝回過金鼈玉螭還家適得燕山弟蜀中來書卻寄用東坡寒食和子由舊韻

春冰纔泮風漪縞萬樹抽萌  
染翠煙莎徑延緣宜款段綺  
裘披曳趁輕便魚鳧國遠書  
難寄棣萼情牽集共編激豔  
鏡湖三百頃恩深豈敢說歸田

雨後過六郎莊題酒家壁

翠巒如笑臥春雲  
匳拓湖光縐縠紋  
鳩婦引吭珠一串  
慈姑種水碧三分攢  
眉自懶同蓮舍  
予不到紫竹禪院十年矣  
任達何妨狎鷺羣  
煙趣分明屬漁者  
酒瓶蓑藉醉斜曛

登安定門城樓

策馬垂魚陟半空  
海螺聲起堞樓紅  
京師舊制每當春仲命各旗城班兵丁登城吹海螺以散鬱氣  
九天閶闔三霄麗  
兩戒河山四塞通  
放眼雲無纖芥翳  
倚闌雷動八方風

聖人懷遠綏華服  
不恃嵯峨百雉雄

二十九日雨中出西直門赴圓明園路淨無泥遙峯

蔥蒨頗愜襟期歸途賦五古一首簡姚鴈青太史朱

虛舟中丞徐星伯吳蘭雪兩中翰並訂上巳日釣魚

臺修禊之約

甘澍滋霰霽巾車衝淖行出郭頓森爽心目玉雪清煙濃莫辨  
樹灑密微聞聲天桃暈霞影輕陰襯花明參差水楊柳青障環  
子城中橫略約小渠溜碧玉縈臺笠聚郊野布穀聆催耕燕京  
二月交風燥猛虎攫人海輒紅沸灰洞昏雙睛方春雨知時催  
染新綠成趨登金鎖闥欣動鳬藻情直舍淨無滓依光坐叢楹  
花深宮漏細院靜珂玉鳴漫勞洗鞞轂應謔濯冠纓散直已卓  
午淦淦雲猶橫上巳來日屆粹腳喜暄晴攜我都統籃雜坐同  
煨鎗嘉招二三子漁屋聯鷗盟蛾綠莽潑翠颯然相邀迎佳日  
漫輕擲寄語諸友生

三月三日同姚伯昂吳蘭雪

嵩梁

家可盦釣魚臺脩禊

得五古一首五律一首

乘景陶嘉辰脩禊偕雋侶稅駕息林樾散策遵蘭渚煙樊互威  
紆蒼翠引延伫滄洲睇瑟泊輕楫想容與稱稊冒新塍薜蘊靡  
暝漱席茵攬裾吟樽桂拾薪煮樺蝶繞襟低戲鮪驚竿舉徙倚  
釣臺南風泉亂人語

石閘風泉響晴湖翠潋勻永和千上巳京洛兩詩人窺扇低黃

蝶垂竿釣紫鱗桃花應冷笑此日略知津

吳蘭雪寓京師三十年獨未遊釣魚臺故

戲及之

蕭寺清齋罷寬鞋約往還茅茨醉新釀漁屋滿春山雪白鷗雙  
點驚黃柳一灣蜩蟬萬人海與子獨安閒

喜馮柳東庶常至下榻味雨草堂

蒙茸襖被卸征輦乍接丰裁一笑寬黃鵠果搏凌漢翮綠袍穩  
稱切雲冠草堂杯酒春風暖橋里扁舟舊雨歡好趁玉堂分韻

暇部食重與續騷壇

戊寅春日余觀察海虞題柳東虞山覓句圖有他年獻  
賦金鑾頂始信衡才眼獨明庚辰柳東果捷南宮入  
翰林旋以奉諱還里今春服闕如京師散館仍下榻  
澹園重話前因頗誌銜感復出前圖索題余重題廿  
八字

果然瀛海占仙班讀畫前塵一破顏大好雨涼紅燭院竹陰深  
處夢虞山

偕柳東過聽綠山莊

春色暢柴荆深衣著處新花跼蒼暈雨柳眼碧窺津圓笠隨漁  
釣長鏡託隱淪說詩來雋侶步屨過齋頻

春日出阜城門至極樂寺題僧舍壁

燕都花事豔西城老子嬉春趁嫩晴草色淺難遮去馬柳煙濃  
欲羣嘯鶯詩殘疥壁紗籠淡湖淨瑩心縐縠平依舊年時踏青  
侶石泉槐火作清明

夜坐

院靜同鴛舍身閒愛馬曹春深花暢發坐久月初高遮眼縹緗  
疊雄譚玉塵操齒加心漸隱隨分樂陶陶

九障

九障名居一昆吾割愛難觀心明月朗放眼海雲寬松壽惟蒼  
幹泉甘少激湍自然真法道凡骨換金丹

匡居

匡居饒逸趣此樂得何曾畫古憑人借昨姚伯昂太史借詩成  
去姜緯杜丹畫冊怯自膽每日所作詩輒  
教李縵雲鈔寫連筒催灌竹繞架縛垂藤花事宣南勝

遲明訪寺僧

擬於明日約同人至崇效寺看牡丹

六部口白衣庵古柏一株蒼翠可愛庵圯樹無護持者  
余擬釀金修葺庵堂兼保此柏未知有同志否并繫  
長律十二韻

拔地之而勢拂檐高蓋張豈期蒼水使靜倚白衣堂天迴鸛鶴  
坐根芽螻蟻傷雨風千載會霜雪四時強琴薦憑誰設茶瓜屢  
過嘗老僧忘歲月詩客賞幽芳卓立稀儔匹韜華且退藏夕蟬  
棲葉密晚吹襲襟涼擬藉流提力周遮空翠香護持貞壽質供  
養苾芻房五柳先生宅雙柑居士莊西冷遺柏閣玉局媿清光

同懷弟法良校刊

男崇福謹校重刊

抱冲齋詩集卷十二

長白 斌良 笠耕

天閑勤字集三

新葺涉趣園偶過題話山亭壁

三徑威紆

靜絕譁

市聲不到野人家

聽鳩藉得知晴雨種樹增

培在槩芽

園中添植樹果將發葉時灌

草閣似迎將社燕峭風

催放及時花

每歲花時杖藜日涉多成趣畢竟南垞勝北垞

風景話山亭迤南最佳

風景話山亭迤南最佳

枕上得句

斗室葳蕤簾繹薰夢痕旬綫化梨雲枕邊得句休愁忘代記新

詩有細君

述懷一篇寄洛中諸子



一日不作詩宛若積逋負連朝數題詩思注筆隨走我詩皆意  
造宗派略誰某快吐滂葩辭筆札代宣口寅年陟海處珠履集  
賓友石梅仙館開箋素稠疊厚綺席羅敦槃新詞鏗珮玖金石  
關心兵觴政戰指拇雀舫正聯翩旌麾忽移守轉轡入秦關行  
滕堅結糾雄特厯川涂幽深度榷柳馬首忽東翔中州符重剖  
鉅簡紛還來心期日已否不圖沃衍區竟作逋逃藪韞刀抹絳  
巾採丸躡町畝厥號爲紅鬚獷悍赤眉偶殲焉理亦宜慈祥慚  
杜母薤拔抑強宗鷗毆得魁首稍稍散黨援箴規勸誘教之  
猶不悛火烈繼其後尸諸市以徇芟除淨稂莠吁嗟夫人子滿  
目陳械杻案牘兀山積批判不停手胥奸戒貪狼吏蠹防黠  
堅坐兩眇昏自卯動及酉才薄而事繁多繡忝膺受奉  
召歸承明再綰桃花綬馬曹愛檇散藉免滋愆咎肩擔欣半弛

塵懷教滌垢荒園闢汙萊雜植菰苳韭扶藜課晴雨澹空惟聲

叟嘉招二三子

謂馮柳東太史  
宋星浦孝廉

瓦瓶溫濁酒拉伴發高吟舊習

今尙狃收拾蕭曹律權歸風雅石天假休沐暇交陣肆攻培我  
官日肅閒我詩益富有或遇嗜痂癖笑罵同不朽

得姚伯昂太史和上巳脩禊五律一首賦此奉酬並賸  
以朱石梅製錫壺及茶丹二事

楸枰聲鏗然幽響答琴筑蓬頭遞書筒雲籃春筍束蠶尾寫縱  
橫倚几自咏矚雋語壓郊寒浮嵐接濃綠散策晴湖堧祓禊繼  
逸躅佛廬伊蒲陳農屋茆柴漉流光赴壑蛇事往那可逐三復  
紀遊篇清景死在目我詩方曹鄴邊幅陋蹢躅建大將旗勇  
樹狼頭蠹穎脫長城堅翼鳴小蟲屬南齋曾侍從欬唾粲珠  
玉應制覲龍光歸院賜蓮燭瞠乎諸後輩尙羨摩霄鵠攀香

五字吟已窺一夔足想見濡毫時紫餅滌新馥昨友禾中來龔  
春壺韞匱其薦承以舟團圓月盈掬陶瓶太樸茂髹漆亦華縟  
范金當茗具雅製邁殊俗深刻粵銘辭精鏤雜花木碧山豈其  
儔朱碧山製銀槎最著名嘉禾多珍之美補君謨錄深貯壑源芽兩腋風生欲持  
贈玉堂人竹鑪顏句續

竹韻齋同星浦弈適姚太史送詩至

篠簜深處擁高齋窗際盆蘭吐箭開一種靜因須領會楸枰聲  
裏送詩來

聽綠山莊雜詠

彎環蘆汊結輕冰門外租船棹半停聲發狂飈吹積雪遠畦脫  
穎麥苗青

杏花火發柳交加暖吹東風一道斜枳障棘鍼沿圃插寬鞋防

誤踏芹芽

教僮晝暖翦茅茨春暢柴荆草木滋  
蛺蝶飛來呼鳳子牡丹開得號魚兒

園頭拉伴覓看青

燕南土語凡鄉間雇工看青禾稼者名爲看青人

柳綫穿魚耒擊瓶

潑翠新陰濃似雨好風光屬話山亭

擘絮雲濃溼四遭山翁曉起告兒曹  
春畦遮莫連筒灌夜雨新添漲半篙

裁衫吉貝薄於紗懶向茅檐夜績麻  
村女今年偏解事繞籬貪種合歡花

小麥纔青菜甲肥蘆棚食話坐忘歸  
楸枰正打連環劫一笑鄰翁過解圍

溼雲濃潑樹梢鮮雨意將來已灑然  
老圃今年增富貴金銀花

壓竹籬偏

安石榴開照瓦盆  
篋棚涼入好移尊  
到來知己端陽迎  
艾虎蒲人插滿門

百弓地拓蔓菁青  
欲肯華堂力不勝  
幾樹濃陰撐似繖  
中間著箇小茅亭

園丁尙枕蓑衣臥  
月子彎彎柳外黃  
一種清華誰領會  
露葵煙篠冒橫塘

蒲葵小扇手親持  
緩步蔬畦拂柳枝  
怪底句留小亭角  
牆陰貪看昨題詩

粗籬宛轉透晴光  
纍落瓜壺翠蔓長  
鞋底一泓潢潦積  
鬢眉照影也清涼

小白鶯紅種滿園  
商量移植向瓷盆  
呼童珍重鴉鋤把  
莫刷香

泥好衛根

綠陰遮不住蟬鳴灌耳權當絲竹迎忽漫轆轤金井轉隔籬疑是關車聲

纔涌銅鉦潑嫩寒霞烘魚尾影流丹花梢葉底濃如許縱到田園露總溽

嬌癡小婢走穿梭紫姹紅鶯買不訛老圃街頭還歎息蒔花利比種蔬多

余於嘉慶壬申曾遊臥佛寺甲戌後宦遊齊魯吳越秦

豫一刹那頃已十二年矣今年三月廿四日靜宜

園值班重宿寺中僧

印亮

偶話前遊不勝今昔之感

留題方丈以作他日重來之券

十一年來復此遊依然暖翠寺門浮津梁此子應疲矣鬢髮山

僧可認不羈戀婆羅巢老鶴錚淙丹井伏蟠蚪一丸涼月千松  
頂不壞虛空厯劫留

夜宿臥佛寺

湛然生虛明清池波影滉四山涼翠合向夕倍森爽月高夜漁  
歸僧定疏鐘響一宿贊公房松竹延靜賞

廿四日大風晚至臥佛寺禮佛畢周覽殿宇僧印亮留

宿方丈

環障碧螺皺唐寺闌雲嶼寶池八功水龍吻噴芳漱匝巾千步  
廊長明佛鐙燄七葉婆羅陰秘靜妙香染涼飈四山合衫翠不  
可掩笙鐘幽谷酣風鐸觚稜颭方湫夾崇墀澄波舞瀾潤鑿石  
通溜渠竹罅暗泉轉老佛大自在偃臥真諦演緣一覺緣覺肱  
曲睡容儼豎窮三際宏橫互十方緬一二而一同歸珠串選

普覺憫眾生

宸題精義閣

臥佛寺建自唐始名昭孝後改宏慶至國朝雍正四年敕建賜名十方普覺禪寺招傳唐貞觀間

范金作臥佛像二今僅存一或云銘二像

之金合鑄之乾隆御題閣發極盡精妙摘藻啟鈍蒙興碑捫

古鮮登眺我未疲津梁子何憊苾芻晏留客伊蒲陳栗焚十年

抹電過前塵興俯俛別來殷乳頃影鬢醺霜點松頂月丸騰心

光圓鏡閃

香山晚歸過萬壽寺值僧

海觀

話舊和杜少陵韻

地偏去城遠松深翳窗暝浮嵐滿寺陰暗泉穿竹聽思遍煙磬

沈心共風旛定茶罷欲忘言歸僧值苔徑

出西直門橋邊買釣竿

鴨頭新漲映朱闌擘絮風柔作嫩寒一種閒情誰識得跨驢人

買釣魚竿



閒吟

期頤年強半百事未嫌遲處儉宜行樂求仁豈在知疏狂非嗜  
酒消瘦或因詩擬學香山叟閒吟賀聖時

廿四日香山靜宜園值班恭紀

雞人午夜嚴宵衛鵷序千官肅早朝垂拱星辰環紫極舉頭宮  
闕在煙霄絲綸下閣傳宣密蓮漏穿花遞聽遙明日

聖人親閱武羽林八部盡騰驍

二十五日奉親閱香山八旗大操

旨

廿九日夜雨達旦曉起偶題

銀竹檐牙靜金泥屋角明山眉濃抹黛柳眼潤窺鶯新綠攬雲  
影和風遞市聲松涼人意健快雨復嬉晴

靜賞齋遣悶

已入清和序萍颺曉作涼懶惟呼酒得病豈著書妨樹密青雲

接身閒白晝長芻尼解幽意相對話晴光

四月一日蘭雪邀遊崇效寺不果往佛誕日獨過禪舍

因題

酥雨城南醒綠苔鐘魚佛院遠氛埃淨因只有菩提解不是花  
時尙獨來

五華寺用東坡集梵天寺晤僧守詮次韻一首

環峯杳而深松杪見孤寺暗泉石罅穿潺湲導行履野僧小送  
迎拖筇自來去

黃茂才

景沅

自大梁寄書兼約伊作京雒之游

三日不見生鄙吝叔度雋語良非欺星杓四轉矧別久矮紙時  
寄長相思侵晨蓬頭致雙鯉雲藍乍擘喜溢眉上言濟陰困羈  
旅伯鸞春廡還棲遲蒼蒼鬚鬢換雪色心期不問想可知猥以

馬齒歲加長綰綰年壽陳英辭我生出處君最悉所往必偕勞  
攀追防秋雷夏事畚鍤羣黎僅免其魚悲督輸吳會轉稊粟倉  
箱充物慶萬斯繡衣秦豫爽鳩竊朋友不信多差池罔卿再拜  
司牧命桃花新綬紆委蛇先哲四十稱強仕致君堯舜霖雨施  
知非僅欠九年耳肉生髀裏徒嗟咨迂談謬算世寡合與官進  
退穴不治邇來愈覺咎叢集藥石待子攻瑕疵寒士出門每恟  
怵典裘糴米煩撐持好乘瓜蔓理烏榜邇蠶同醉葡萄卮浮雲  
富貴置度外雷陳膠漆罔或遺

春晚獨過極樂寺

支藤孤詣趁斜陽寂闕僧廬霽淨香寺晚蕙紅餘躑躅春歸詞  
客減疏狂庭心琴筑尋聲遠湖面浮圖倒影涼不共器之參玉  
版

劉燕庭戶部

冷雲間鷺兩相將

清和上浣向晚過極樂寺偶值許青士乃濟真生乃普

昆季兩太史因和壁間卓海帆京兆秉恬韻二首

定巢棲鵲下香林湖枕禪扉暝積陰紅藥淨瞻菩薩面翠潭澄  
印遠公心村僧學圃連筒灌圃客聽泉倚竹吟一笑機雲成邂逅  
玉堂清祕費招尋

扛壺可許入雙林煙霧殘鶯水寺陰淺夏宜偕燒筍約薄曛剛  
愜養花心玲瓏綺榭鷗邊築急就篇章馬上吟翠堵波看松頂  
卓梵天茶夢續攀尋國花堂地鄰五塔寺會日暮欲遊未果

四月八日大風夜坐小齋讀書作

燕市俊風猛於虎擺曳雲柯翠蛟舞閒官事減方夜讀老屋幽  
窗一鐙吐書聲漸與山月高心光靜照破鬱陶我逢佛誕少乞  
請但祝煦物休鳴條

廿八日新晴坐清籟閣

夜雨能添小院清，歸雲漏日射窗明。  
碧梧牆角垂新乳，紫筍籬根發舊萌。  
謝客閉門常託病，看山拓牖若爲情。  
家居處儉無絲竹，傾耳風蟬第一聲。

夏月初長齋居岑寂聽綠山莊四邊翠合步過山棚風景幽秀率成四律遣興

樹色壓簾翠軒虛，逸氣舒蕙風桑椹熟遲日。  
槿花初逋送零星，帖豪揮丈尺書澹襟。  
方竹素相過不嫌疏。

又值浴蠶候蜀葵紅半舒，槐陰新雨過竹靜。  
晚涼初僧雅蔬頻，送朋癡扇索書綠肥園徑隱轉覺路生疏。

湛露曉園濡羣芳，蓓蕾舒銀牀灌畦遠旭景。  
上竿初遊約租驢，券間翻種樹書竭來迷。  
鹿眼飽葉補籬疏。

陽阿晞髮慣老圃野懷舒鞭筍行根乍含櫻薦穎初純揮湖客  
穎懶寄嶽僧書側笠狂歌去何妨禮數疏

端陽前三日簡宋星浦

躡客悶無俚灌翁閒有辭地磈貪養竹節近尙裁詩桑棧童爭  
摘蒲觴我未治宣南鬧絃管盈耳樂堪知

偕宋星浦馮柳東家可盦弟游釣魚臺至茶肆小憩行  
過極樂寺看花晚歸

鏡拓平湖煙水寬笠檐小試舊魚竿游儻避客吞鉤少拳簫忘  
機隔浦看旋摘櫻桃紅映酒買將梅豆綠堆盤蕉衫且莫愁衝  
暑掠面蘋風帶嫩寒

論茶茅店小句留拉伴山王叩竹樓僧業賣花矜富貴客緣攀

柳溯風流

寺前舊有垂楊二株長條踈地濯濯  
丰姿明人有醉折垂楊當酒歸之句

垂雲瘦石窮淵

見句亭有淵隱石籠壁殘詩畫漫收壁間法梧門張船山榴朵相傳得自湖中

過雙林寺題壁

野棠花暝噪青禽鴛舍蕭寥粥鼓沈璫寺繁華歸夢幻苔碑檀

越記雙林寺建於萬歷間闍人馮保雙林馮之別號也

屬裘卓錫偃松柯詭甲瘳鱗變相多幾許膏脂供悉索繡衣土

木奈愁何馮保奏有西武廟衣番僧道法精深請發帑建修並詔諸路布施工作甚鉅民甚苦之

天魔妮嬖舞鸞幃兜率珠宮祕密雙多事冶游狂士女紅深翠

隙暗窺窗寺樓供奉祕密佛局鑄甚嚴游人每於窗隙窺之

殿角金輪夕照高蓮臺影韞蔓黃蒿劫灰一片牆陰黑埏埴殘

僧老業陶寺東僧掘土為審製陶器

連日偕宋孝廉習射馮太史改官明府在京需次樂數

晨夕戲題

冷宦欣無案牘紛賞奇稽古得逢君書生習射須平直高士應  
官要樸勤話久燒殘深院燭興豪唱遏野亭雲陶朱殷富班揚  
筆福慧雙修古或問同人以京秩清閒敲詩讀書頗極  
文鯁之樂惜廉俸少薄耳故及之

五月九日暴風陣雨忽作偶題

勢挾江潮曳弩機狂飊導雨擊荆扉奚童不識風飄葉笑指鬢  
空萬蝶飛

汗漿揮雨火吹輪戴帽餉嗤觸熱人誰借天瓢略沾灑可能淨  
洗六街塵

礮車雲重溼空奔一幃襄陽潑墨痕想是天公賜休沐倒傾玉  
女洗頭盆

偕張小軒閣學彭寶臣少卿後齋宿太僕寺喜雨奉



和二首

白汗沾衣似故漈跳珠欣聽雨聲圓坐成晶字攤官燭涼沁簾  
波警晏眠龍見一星飛澍普馬曹三日致齋虔

北郊肸蠭隨鸞輅麥隴風和接翠天

南衙幽邃浩塵前槐蔭虛堂繖蓋圓鴉陣暮還棲暝色儘更遠  
報聒佳眠苔岑促膝聯衷曲版笏齋心懍恪虔詰旦新謠甘澤  
起御橋滌漲白鷗天

齋宿夜話賦贈張閣學彭少卿

垂魚侵曉免趨朝車鐸鱗鱗度闕遙日午槐陰濃欲滴雨深苔  
暈溼難消歌慚下里相展和吏散虛堂未闕寥玉簫金齋叨餽  
遺空庖何以答寶僚

五日爲期一入朝桃花紆綬任逍遙循牆雉堞連峯障隔浦螺

皴宿雨消堂邃傳騶聲緩緩政閒署字吏寥寥太倉竊食誠何  
補規誠端須藉友僚

次日晚坐又題

怖鴿迎風有墮翎統如漏鼓下槐廳前塵每愛開襟話至論還

思勒座銘

兩公名論紹繹不勝傾倒當作書紳之佩

羅疊鱗雲穿月白煙團烏日壓

檐青殷牀一杵疏鐘動廿載重來隔院聽

寺鄰元真觀余於嘉慶五年官太僕右司

主政曾宿寺中當月瞥眼已廿年矣

恭赴安定門外

北郊陪祀冒雨至茅庵齋宿

傾盆密點織空勻粉堞朱樓望未真似識詰朝

鸞輅出雨師

灑道代清塵

紅牆蕭寺水楊疏齋宿頻投佛子盧櫛沐辛勤成夙例一年一

度雨隨車

去歲五月初三日祭北郊亦值霖雨

溼雲低度老槐陰古井無波碧蘚沈負手僧廊閒覓句南衙朋

輩肯過尋

昨約張閣學彭少卿庵中同住未果

琉璃靜照佛燈青電掣雷殷雨未停粥鼓初撾眠尚早團蒲借

讀法華經

豆腐十笏小句留瓶拂巾單物外幽帝子去兮愁眇眇香雲一

燈爛銀鉤

壁間懸尊勝經一幅皇六子乾隆五十二年所書

過金鰲玉螭偶聞新蟬聲

稚荷疊葉大於錢老柳棲煙翠接天忽漫涼蟬聲灌耳京朝奔

走倏三年

戲贈星浦

子京丰度美堪稱共樂琴書得未曾有禮周旋生似客無言情

味澹於僧名花每愛兼盆買佳句頻頻翦燭膽官寄何須愁力  
薄邇來習射益精能

送朱虛舟中丞歸里

憶從分陝仰光榮兩月爰書喜共評善以長人寮案服寬能得  
眾庶黎傾崢嶸太華峯原峻浩蕩潼川浪總平一宦秦中三十  
載牙官走卒盡知名

都護安西舊築壇檄磨盾鼻墨痕乾鄮侯轉漕軍儲富充國籌  
邊保障寬單騎獨衝蠻箐黑短衣倒射雪峯寒卽今部曲猶精  
銳曾隸平羌老范韓

纔幸班行雁塔聯玉壺忽漫悵離筵灞橋梅信吟情透嵩嶽歸  
雲別夢牽餽遠追行李後訂交翻在識荆前余官蘇松糧儲道時與公以書  
定元方兄弟裁成徧腰笏追隨亦夙緣謂家松亭十弟暨柳橋雲耕兩兄皆中丞舊屬

並蒙  
羅薦

頭銜重錫荷龍光

天許懸車歲月長

中丞蒙  
恩賜三品頂帶

小市櫻

桃探細雨豐臺芍藥醉斜陽驥馳千里應迴轡庖解全牛且善  
藏膠漆雷陳來往熟梁溪怕說理歸航

五月十九日傅姬舉一男命名慶福詩以誌喜

喜遂高堂願欣然說弄璋書香繼芸室仙子應榴房聲壯豪如

我眉脩雅肖娘筵開湯餅會正泛紫霞觴

廿二日值  
慈誕辰小兒三朝家

晚坐抱沖齋作

花木平泉敢竊攀芳園晴雨恰相關湘簾一桁垂如水寶翰干

箇兀若山行樂漫教佳日空吟詩好趁此官閒棧鞋桐帽朋咸

集恰值湖橋得酒還

青龍橋蓮花白酒  
最佳近得兩尊

送彭少卿

後

提學瀋陽

聯鑣方幸接清塵

詔許掄才擢闕駟豐鎬薰陶根本地梗枿培植股肱臣高襟玉  
照巫閭雪雅度淵涵渤解春桑梓葩經傳敬止卽看桃李塞垣  
新

家豢兩白鷺置亭後地頗湫隘毛羽沾泥困且憊命奴  
滌以清流飼以紅粒移於聽綠山莊西偏鷺引吭長  
鳴意似欣感喜係以詩

小園闢得地三弓寬放鷺羣命短童擺脫臥餘新草地拘攣謝  
卻舊樊籠金趺子才翻晴漲雪翅翬舞惠風在野不愁人換  
汝邇來書欠右軍工

過海淀雙廟有感

先君奉使還

朝日綺歲振衣拜寺前今日依然雙柳在風光回首卅三年

乾隆五十六年 先向書湖北謝案還京賈 命 余年八歲即迎於此寺旁瞥眼已三十餘年矣

雨中自圓明園入德勝門

天闌瑤瑤自成文風捲寥空走溼雲蕭寺經樓紅一角官渠瓜  
蔓碧三分疲羸衝淖都爲隊遠鷺沈煙莫辨羣平著心看忘柳  
沐下帷權當竹窗聞

六月八日雨後晚起

新涼美睡宜雛鷺呼不醒慙外碧煙消盆荷弄晴影  
陣雨入宵騰輕颺拂簾藤料應池上石綠浸幾多層

茉莉

越嶠朵雲香飛來鴉鬢底好在不分明微醺殘夢裏

暑雨初晴積潦載途車中不耐顛簸戲題

澍雨入伏淋修途變滙涖門外大河橫積潦沈車軌輿夫昏若  
驚孟浪踏流澗青泥膠雙胛十步九脫屣歸過到疲羸少怠加  
鞭垂重若曳鹽車呀喘行復止是時車中人危坐瞠然視吾生  
歷坎坳望洋已流泚深淺意莫必顛蹶總由彼前低後忽昂左  
偏右復抵凹或剗匏樽凸擬置綈几堅疑礮犖确柔方踏繒綺  
視牆屢觸額憑式歎傷指吾材珠玉慚揚簸秕糠比恍惚醉酩  
酊仰合莫由已暈眩患頭風銀海光搖紫殷雷晴亦鬩鑿隆聲  
灌耳某何是栖栖振策揚都市天公憐傲骨循俗恐頽靡鍊刷  
使完堅頑石加礱砥緬昔泛輕楫容與實堪喜琴書任滿裝鳬  
雁隨邈迤寢處亦如常安穩行千里何事畫轂鳴聊藉蒲帆駛  
吁嗟舟與車勞逸迥如此

宋星浦習射頗有進境



處宗勇且英游藝習質柳強挽綠沈圓穿空犀札厚夙欽吐鳳  
才今擅射雕手揚解揖而升炙進輒臂酒

六月十日暑雨連宵園中濃陰滴翠溪漲三尺頗饒煙

水之趣因邀宋孝廉馮明府暨舍弟煮酒於水琴山  
畫齋醉後雜題數詩以紀一時佳興

白袷烏紗四酒人嘉招同醉水蘭春食單不用門生送自釣輕  
脩配煮純

濃陰鳩婦引吭和新漲連宵綠映襲除卻宣南園廿四城中無

此好煙波

日下舊聞明季宣南坊有廿四園今已不可考矣

環峯約略名姝白梳掠煙鬟媚獨呈忽漫清音洗塵耳松篁攬

著暗泉聲

苔屋尖頭隔浦遙萬荷香裏亂珠跳笑童拍掌頻呼酒驚起鷗

鷺過板橋

雨連月額晝常昏夢繞江南雁  
鷺村檉柳水松叢灌莽疏窗一  
抹溼煙痕

斐几藤牀四座圓風吹笑語綠楊邊  
金貂都學漁樵樣殷丈張

兄釀酒錢

遠亭弟約釀  
錢沽酒爲戲

擊鉢催成席未溫陰何風調待評論  
蝸牛知我情耽古篆壁苔  
盤翠墨痕

溼雲潑墨四圍寬簾捲溪山罨畫看  
倒影不隨流水去玲瓏波  
底小紅闌

西江宗派溯涪翁歐冶風胡百鍊工  
別向臨淮張赤幟可知白

戰最英雄

星浦不喜黃詩愛  
琴元白故戲及之

同懷弟法良校刊

男崇福謹校重刊

抱冲齋詩集卷十二

長白 斌良 笠耕

天閑勤字集四

補竹

國之楨幹惟賢材聖世匡襄在良輔東南之美推竹箭稍見凋  
殘亟培補舊植簣簣渺萬竿玉槩蕭森吹翠雨蒼珮憑虛戛令  
辰火繖張空忘卓午年時雪凍碧珊折籜龍不是傷斤斧輕陰  
漸減倚著難翠袖低回徒媚嫵宛疑貞士失朋儔勁節孤標歎  
涼踞拔茹遭逢大匠知君子聯翩登政府我今所見亦略同扶  
直誅邪心獨苦枳棘羞教苞鳳栖女牀好待青鸞舞移來幾簇  
綠雲涼林隙端相荷鋤仁園丁共話費參商欄角亭陰妥安取  
寒碧濃逾上番叢瘦根香帶前村土最憐玉筍舊班行偶立居

然判爾汝穆如恍迓故人來依舊清風灑庭宇惹得疏狂王子猷  
竟造何曾問誰主世閒罅漏貴補苴窗外還尋凱之譜種竹  
匪同樹木難碧鮮賦手漫矜詡

冒雨過御河橋入街

九衢車鬬泥如海拔淖果敢憐輿夫稚荷葉底鬧小鴨煙羃河  
橋開畫圖

雨足森森曉未開阿香車動殷輕雷潭潭官閣槐陰潤那有徐  
陵帶熱來

種蕉

桃笙淨拭北窗眠移得清陰作綠天宛轉心抽層剝繭離披眼  
礙密棲煙扇材早辦招涼恰紙價全低灑墨便記得泥人圖畫  
裏夢痕幽抱雨聲圓

栽竹

牆角苔荒隙地留涼颿擬向此君求  
龍孫別派占膏壤鳳尾拖煙亞翠樓  
水石幽居增氣韻雨風高會集朋儔  
荷鋤仁待香泥刷書捐鷗波妙翰適

買魚

老婆口腹笑難饜斫鱠頻思配赤鹽  
論斗細量苗乍上就船差喜價猶廉  
槩牙網挂腥風透市尾鐙懸夜雨纖  
柳綫穿鰓便攜取青泥誰惜草鞋霜

待鶴

梅林月白雪參差徙倚空寮有所思  
身到青雲歸計晚書成閨苑寄郵遲  
攜來綠綺誰爲侶儲得秋糧卻要支  
皓羽鮮妍邁殊俗登瀛會覓愜心期

過馮明府寓齋感賦效黃涪翁韻

楊假韶年記詠蛙瑞芝名籍孝馮家幼生蠶蠟歸元運得失雞  
蟲擲歲華守社輪困轅曲櫟連畦爛漫邵平瓜幽棲我枉長鏡  
託未及河陽滿縣花

戲贈鶴

清獻官瑣闥攜鶴羨文采樂天歸華亭載鶴狎滄海我今還承  
明空寮惟鶴待因思意中緣猶愈真豢鳥目送蒼松巔心飛白  
雲表鶴之來不來先事未可知治籠備夕巢儲糧療調飢梅林  
凝伫久嘉招獨詠詩彷彿翩然下向鶴參轉語昔曾壺嶠游何  
妨泉石侶伴我舊琴書養爾好毛羽聲名達九天凌霄會鶴舉

夏日齋居偶題

永晝小年若杜門尋古歡政閒官覺雅花密地逾寬翠墨羅書

案冰瓜浸玉盤藏身人海裏車馬自平安

廿二日晚冒雨借宿大樹庵題僧舍

指點紅牆竹外斜衝泥襪被入林賒人來蕭寺鐙初上雷轉南山鼓急搗屋漏痕留折釵股雨昏窗護舊袈裟夜來雨橫風任吹入窗戶寺僧

晚至海淀口占二首

晚趁涼颺策紫驄蟬聲圍住綠陰中賣花肩擔香吹遠徼倖行人立下風

墟煙乍上馬蹏急石路苔深積潦凝一帶湖樓窗半拓綠芙蓉裏透漁鐙

七月七日劉燕庭戶部過澹園觀余所藏金石適姚太史吳中翰至因並邀馮明府留話清籟閣盤桓竟日



卽席

開軒逢巧夕不速客剛留  
瓠葉蔬畦摘茶香竹院浮  
劇譚劉夜坐選勝辭春游  
綈几羅金石論交足與侔

謝張小軒閣學贈餠餅

分無三百太常齋腹儉吾  
儕一笑皆推食殷勤老張  
仲餽餽擎出翠盤摺

新秋晚起漫興

冰簟清涼睡起遲科頭箕  
踞坐移時滌煩天際偏多  
雨排悶人間幸有詩蟬入  
新秋聲自遠鷺窺煙水去  
何之呼僮料理芻桑落稻  
熟津門蟹待持

曉步采蘭橋和張船山韻

足健何須柳栗攜提壺聲  
喚盡橋西絮華卿秩無妨  
散寄興詩

名不厭低慣傍野鷗温釣石怕騎官馬沒街泥鳴蟬聲裏商飈襲暖扇頻澆酒到臍

晚出西直門

堆青山髻女牆邊接翅昏鴉度暝煙烏帽黃塵三十里釣竿孤負白鷗天

朱布衣

鶴年

余之老友也別十餘年矣今秋扶策過訪並告知近年連舉二子命名大樹大川清話移晷余

喜其暮年而有後也作此慰之

幕看名紙朱矜石舊雨班荆喜動顏馬頰寒征停絳節

甲戌冬余奉使

山東與朱遇於鬲津途次曾作寒村旅話圖以紀之虹橋歸夢滯刀環晚培蘭玉堪娛老清供雲煙當買山繞舍鴨頭新漲碧相將共理釣筒閒

胡生

九思

燕南老畫師也見姚伯昂太史和余臍字韻

詩爲余作風篁清嘯圖姚詩并其首因三疊前韻以謝之

雲藍一幘小臧搗貌出莢灣古埭西燕趙雋才交已徧洛陽佳  
紙價全低懶陳寒具污裝縹欣賞煙焚認爪泥詩律輸君籌一  
百盞薇細讀撥香臍

入衙

敬事官箴勵趨公日往旋車麟度闕遠騶唱入風圓槐院濃陰  
合花資潑乳鮮馬曹欣政減好詠白華篇

直班

九官分贊朔朝謁忝追陪排日雙兼隻周輪往復回貔貅森兩  
翼鵷鷺集三台

詔賜仍休沐鴻施海樣來

召對

勤政乾行健依光暖閣西討謨金鑑炯端拱玉衡齊民隱諮詢切

天顏咫尺睽竭忱無獻納

聖敬日登躋

陪祀

明德交孚切螭坳侍祝釐簋鐘瞻法器圭瓚習隆儀藉艾神來格靈祇炯鑒茲國經原在祀虔恪致齋時

引見

任賢惟

睿鑒汲引命諸臣魚貫排初肅龍光覲許真本題黃面正牌繕絲頭勻宰職猶難識平臺召豈醕

八月五日太僕寺值日先期借宿大樹庵與僧話舊卽  
題方丈二律

蝙蝠窺雲桷蛩蟻殷竹房洗心潭淥淨瞥眼雪眉蒼  
秋入訶黎白松高月子黃佛圖澄姓溼屋照漏痕長  
鐙眼僧龕定松膏畫壁陳身忙雲避夢涼峭睡驕人  
乾雨傳街柝晴雷隔巷輪意懸封事切銀漢近窗新

過金鼇玉竦偶題

彩虹跨影入冰壺緩控人疑踏浪鳧雲錦霞烘波  
四照分明繪出北風圖

梯空繫翠構飛樓朶石苔香長岳留眠柳碧連  
鵲觀魚波涼沁玉河秋

丹拱凌雲碧殿圓龍鱗水蹙潯蒼煙那知壺嶠清  
巖地禁足楞

伽十種仙

邀友人綵觴小集話山亭晚歸喜題

攔堂花纔掩雲屏小喚排當陟桂亭  
蘭契同心邀李白柘枝垂手按秦青  
爭添半臂金颯颯暢舞雙鬟壁月停  
絲竹東山聊寫意銅壺銀箭滿清聽

殘菊

澹泊安貞性榮枯信有天一枝霜獨傲  
三徑雨空懸蠹葉寒初蝕孤根老益堅  
羲皇真賞香泥晚風圓

八月廿三日獨游陶然亭和壁間舊韻

蠟屐支筇興不孤飄揚巾幅晚風扶  
凌霄丹闕浮高下隔坐青山半有無  
乍拓鏡奩明古渡平鋪翠毯翦蒼蒲  
雪鴻爪迹今堪認好句誰收主客圖

壁間詩句張解元茶農句最佳

香阜飛來突兀孤，疏寮密篠碧陰扶。行廚茶笋招攜便，疥壁詩篇入賞無。雉堞煙痕連竹樹，鳬涇秋色澹菰蒲。菊黃蠃熟題餽近風雨，重舉載酒圖。

摘園瓜二枚餉吳蘭雪

老圃霜寒幸有秋，摘瓜抱蔓向平疇。投將敢望瓊瑤報，澹味吾人約共求。

猶記談詩集草堂，幡幡瓠葉煮羹湯。不須東海餐萍實，已徹中邊飫蜜瓢。

廿五日獨游黑窰廠登窰臺遠眺綠蔬圃蘆灣步入龍

泉寺偕蜀僧

紹祖

茶話復循城陰至陶然亭自酌際

晚返舍和吳穀人先生集中皋亭探梅及游金家堰

伏虎院明月庵諸作舊韻

林樾闕精藍松濤沸雲際笠影側風圓鞋痕踏秋霽穴壁苔碣

橫字認蠶眠細潭澄靜塵顏山遠聳佛髻豆房躡幽遐蒙密竹

柏翳杕杷襲宗傳瓶拂通靜契蜀師下峨嵋錫卓紗籠閉住應

如是觀齋榜圓通偈

方丈中懸藥方伯書應如是觀扁額

山僧揖送客匿景暉蓼蕭言邁龍泉寺繼躡虎溪橋今年雨霽

壑原墜傷禾苗土銼韋沾溼農屋麥亂漂茅檐餅師家彌覺生

計饒郇廚壓茶筍樊圃抽煙條亭虛野雲凝涼逼酒氣消女牆

低可人半露晴峯椒

褰裳陟坡陀足力未罷億醢雞出甕天側身襟抱快帝京景

物都樓觀天經界魚鱗櫛比殷塞破眼孔隘丹黃短薺浮畦畛

方罫畫謀野得蔬食布席作茶話荒祠祀星精田畯野服拜老

衲疑啞羊緘口謝機械竹鍼麻綾穿自補袈裟壞



飛樹臨林杪萬綠延輕寒魚暖波鱗皴鳧泛蘆雪殘秋澄宇沈  
寥詩思生扶闌杯浮紫萸釀袖裏朱橘團竭來韋杜曲滑笏煙  
水寬登頓具元賞喜洽獨往歡屬念奮羽翮廣莫乘時難誰證  
妙明心松頂涼月丸

池上簡吳蘭雪效黃涪翁體

願效雲龍逐東野馬曹鳳閣雨詩流清夢繞梅花九里生涯種  
樹橘千頭量茶讀畫有底急湖橋山寺招遨遊蕭思話具泉石  
意濠梁魚趣君知不

竹齋秋夜

山齋隱蒙密地僻少來禽慰夜書遮眼敲涼雨滴心霜寒松菊  
瘦秋老屋廬深已會希夷旨無絃愛舊琴

遺光寺

翠麓名藍枕支藤卽竹局避風香閣矮穿壑善泉冷樹腹空蟠  
石雲心懶下亭菩提開寶筏松栢導門青

題清涼厂

懷古橋邊繫馬羣丹楓烏臼鎖秋雲此來免被樵夫笑有暇相  
過話白雲

出西直門赴海淀作

墨圍寒陣集昏鴉槐柳陰遮石徑斜爛漫晴光明菜葉伶俚秋  
意澹蘋花宦情薄策車單騎漁趣山茨屋幾家遠勝宣南坊畔  
路蒼葭修竹帶平沙

朱野雲畫叟祭硯圖陳荔峯閣學索題

峨嵋老叟抱癡癖簷窗臘臘曾祭詩花豬爛煮郛筒熟磬折再  
拜陳英辭風鐙瞥眼俟廿載勝事傳說遠邇馳江南畫叟朱矜

石硯食春明寄萍迹潤色芽焚藉石田買山清夢縈寒碧輓紅  
塵海一身藏寬鞋踏徧金張宅意氣雋雅神理超鵝溪尺幅逾  
瓊瑤礬頭渴皴帶蟹爪蒼秀直逼黃山樵白波青嶂看疑活挂  
向屏山欲動搖深情豪素誇英絢慘澹經營幾人見鐙窗雨榭  
費冥搜艱辛同歷惟斯硯報功有典非阿私名高文苑則祀之  
澣衣蠲吉醕尊酒菜香老圃羅槃匱函以翡翠琉璃之行笥承  
以魚油錦罽之毯氍灌以潑乳花瓷之茗具薦以康觚淥浸之  
梅枝檐雀啾啁笙竽響作薰鳴氤氲蕝蒿難灼來格來馨惟恍  
惟惚離石鄉侯儼在上雙睛睒鸛鵒朗龍賓配位列明禋虎  
僕聲華夙欽仰張船山朱野雲祭詩祭硯圖紛紛精誠專注靈  
醴粹此詩此硯原無二復庵學士索我題疥駝古語憑訶詆我  
歌權當侑醴曲愧乏健筆摩虹霓竭來家祭誰趨示階前蘭玉

籤排指誦芬他日紹書芸奕葉薪傳介石始

九月十六日隨扈奉

命充管道大臣感賦

南檣北轍十年程此日班聯豹尾行柳陌遠隨珠勒轉蘆埼細  
碾畫輪輕治塗權領冬官職得路咸遵聖軌平可記灤陽關  
塞險羊腸一綫萬夫爭

良鄉縣

附畿開縣小甌塔表嵯峨瘦轍盤牛迹長楊架鵲窠年荒糧聚  
少漲異柳眠多丙舍城西築松楸近若何

余先祖及先尙書墓在城西臥龍岡

半壁店曉發

宮門魚鑰侵晨啟銀燭籠紗乍上鐙十萬馬蹏聲過處茅檐人  
臥聽何曾

秋蘭晚宿

廬

蹕秋蘭秋未蘭菊黃蒲碧近霜寒囊韉夾道三單琴鐙火連營  
萬帳團谿窻石花濃淡合風高雲葉卷舒寬河堙拒馬源難溯  
笑問山農獨據鞦易州之水有四拒馬河發源窮北山由紫荊  
命直隸總督方觀承所濟功成賜名安河其一桑乾支流紆  
迴溶沆於羣山萬壑間匯入各水其一卽古易水也客程恩恩  
無暇細考圖經  
略存梗概而已

梁格莊

有賈浪仙墓在路旁

一丸月子鏡空明映出峯椒睡思清淩兢烏帽踏霜影丰趣不  
輸劉曉行

叢祠浪說鑄黃金瘦字蟠蛟繡薛侵涼翠分明飯島佛好詩多

半抱山心

浪仙有好詩多抱山之句

恭和

御製

西陵旋蹕秋蘭行宮感舊作

山陵瞻禮畢駐蹕大房西行殿依山麓安流匯眾溪

安河舊名

安國河麥抽香被隴蕊晚翠團畦

聖孝欽無極秋霜益感懷

夜過盧溝橋

沙磧黏天白洪流捲月黃燕山環岌嶭豹霧隱蒼茫雷鼓寒濤  
激笙竽商吹涼盧溝宵立馬衣染九秋霜

小屯管道口占

羽林宿衛虎賁排按轡無譁不動埃茶馱籠輦黃帕蓋紅雲擁  
處

聖人來

扈蹕回寄懷軒修葺落成喜題四絕

腰橫鞬箠東戎裝七日班聯

日月旁乍卸征衣尋舊徑茱萸香破一籬霜

星飯茅檐趁曉行客顏顰黑帽霜清蕭蕭鄰廐寒嘶馬錯認涼

秋夜拔營

風簾暖絮掩松煤月映窗油玉雪堆何事老饕逢笑口嬌黃旋

剝栗皴開

甲帳霜寒首藉肥雕弧遠射白狼歸一炊鑪火團圞坐兒女鐙

前說打圍

十月朔日吳蘭雪邀同錢金粟學士林顧南雅太史純

葉東卿典簿

志銑

陳別駕

桐生

坐九里梅花村舍卽

席和壁間鮑覺生銀臺桂星韻

情話蟬聯主客兼推襟送抱略無嫌種分洋薺盆齊列爛煮蹲  
鴟火待添花氣四圍香滴酒春痕一綫影低簾敦槃釘坐消寒  
會蠶尾新書粉壁黏

初冬澹園雜興

潑翠浮嵐擁檻邊綺疏四面枕秋煙當窗新置胡牀矮好學僧  
伽靜坐禪

玉浮圖湧插晴空疏樹涼煙冪幾重盤磴迴廊營構巧墨莊待

穴壁玲瓏

家刻抱冲齋壽金盞諸刻  
石挺置於迴廊壁間未果

借病偷閒亦復佳風鑪歛鉢掩松齋地偏寂闌稀基履鶴迹深  
深辭徑皆

桐身草縛桂藤蟠暖窖藏花避嚴寒只有此君持勁節青青鎮



日報平安

一年生計倚園丁  
蒜果波棱冒雪青  
喬木千章冬亦好  
半山缺處擁孤亭

奚童連日走催租  
笑比樊侯算橘奴  
山木布灰誇趙產  
潑寒門巷賣泥鑪

布灰木產易州製鑪絕佳初寒街市有攜賣者殊適用也

拈韻

拈韻帖求詩穿鑿  
乏天籟好景偶感觸  
胸臆吐滂沛急索筆硯  
書童懶未攜帶不錄久  
乃遺佳句得難最詩之存  
與亡是亦有機會

百祥庵

驅車邁西郭  
石路何盤盤  
獵獵涼風吹  
冬屆秋已闌  
樹凋坡滿日  
潦盡潭無瀾  
昨日衣絛裘  
今忽戴皮冠  
相別纔浹旬  
寒暖頓

改觀柳邊小庵院門破野竹攢有僧雪眉白樸誠平等看畦菜  
醃具足衲襖補已完飽食復酣睡寢處依蒲團偶然駐冠蓋不  
知是達官客來少趨迎客去無畱歡輪蹄逐大道鐘鼓冷荒壇  
大巧本若拙名隱身自安止止吉祥集老壽無愁歎

初九日晚出北門赴西淀借宿大樹庵

畫輪雷動警汀鳧御者頻經識舊途霜柳綠沈寒廨析風鐙紅  
卓酒家鑪宦情火熱輪蹄闕佛界清涼竹柏扶宗炳曾偕蓮社  
約古田牋擘小紗廚

京師人養菊花時種以瓷盆竿以朱漆用綫繫縛使圓  
朵仰盂翠葉櫛比昂頭壁立如顯者之接見寮案俗  
態溢於眉睫殊少錯落蕭疏之致戲成一律告蓄花  
者

折腰終古慨淵明束縛難教野趣生黃竹不須裁短杖朱繩鎖  
日繫瓊英天人玉立輸媚態狂士高眠有逸情記得傍花村畔  
路亂頭粗服濁醪傾

陳夢湖太僕

廷桂

過訪壽金盦觀余所藏彝鼎歸而作

歌爲贈依韻奉答

夢湖先生歐薛儔聲華籍甚逾琳瑯誠明嗜古具眞賞凌秦轡  
漢追姬周輒紅不憚冒塵璫宣南坊畔車轄投烏皮羅列吉金  
吉雲雷饗蒼苔花浮戴戈郭敦伯霧簠物經簡拔登其尤生朱  
活翠爛堆几摩挲審視雙睛揉四千載物一堂萃鳳毛麟角希  
難求蕭齋瀹茗恣考證澹對遠邁芳華游有賣直欲罄鶴俸雞  
碑爵錄教冥搜法家藏器勝流俗得寶那數陵陽侯趨趨昇歸  
冶城里榮光悵惜潛林陬胡不載回充眼福背負遑恤花蹠牛

冬柳用許真生太史韻

商飆掠處黛痕輕，手挽長條管送迎。  
澹泊靜依陶令宅，蕭森遙接亞夫營。  
紫關螭沈霜角黃，日蜻蜓帶石城等。  
是湘潭搖落感漢南，司馬獨牽情。

飄揚暖絮悟前因，非復靈和潑翠新。  
眼纈低窺寒燕影，腰支苦鬪瘦吟身。  
灞橋孤蹇晨衝雨，江店青旗遠漏春。  
零葉隋隄驚歲晚，愧同松柏說根陳。

麴塵板渚漱清流，照影眉痕惹鏡愁。  
老矣何妨鷗作侶，來思忽漫雪盈頭。  
疏鐙前渡維歌舫，殘夢誰家泥酒樓。  
漁火蘆中應默會，孤根常託釣筒收。

濯濯丰姿張緒狂，等閒拋卻少年場。  
壓殘金線仍貧女，染得宮袍已漫郎。  
篷裏梅花鄉夢白，鴉邊斜照驛亭黃。  
東風陡頓添顏

色吹轉濃陰繞畫塘

樂壽軒夜坐和黃山谷贈斌老韻

炙硯擁鼻吟愧難工競病下帷養疏慵不窺梧竹徑雲紛囂照  
眠雷式琴悅性元旨悟希夷宅心澹水鏡

中年懷剛戒惜未屏豪氣境如食橄欖餘甘美回味劒長欲倚  
天衣儉不埽地風戛蒼玉鳴敬容殘客至

題周璚畫馬用黃涪翁觀伯時畫馬韻

銀杯蹀躞卻月行拓卷恍聽蕭蕭聲方瞳紫焰電目橫曹韓妙  
染紙背透俗眼舉肥余取瘦秣汝須栽一頃豆家廐曾蓄噴雪  
驄權奇驚倒塞上翁日日東華踏輦紅

自御河橋晚歸大風適作還家坐澹靜齋題

今年十月陽春和羔羊素絲歌五紵大塊噓噏土囊啟腐發栗

烈鳴條柯霜淒古柳落碧鶴隄拍輦浪跳銀鵝凌晨貂裘冷堪  
著入夜蟾鏡圓新磨紅油窗底瀹茶芽嫩湯細聽蟬眼過

十月廿七日大風適許玉年孝廉

乃穀

過訪坐寄懷軒

觀余所藏名人翰墨薄暮乃歸鐙下賦此代簡

朔風塵漲六街寬小駟衝飈覓古歡照眼涼雲圖潑墨撐腸雋  
味茗森寒南徐東馬羅羣彥季虎頭龍并二難安得長房容縮  
地快聆揮塵舌翻瀾

曉過天甯寺懷朱竹垞先生

開皇遺古刹極睇入蒼茫疏樹朝暎漏豐碑積蘚荒塔鈴風雨  
細殿瓦草心長遺老懷朱十題詩滿佛廊

冬月初八日出阜城門寫望

閉蟄元冥節寒堅澤腹冰嚴霜凋塞柳晚翠翦稭塍危馱駝羣

擁遙灘雁陣興紹裘早朝出在野益凌兢

錄海市詩書紙尾

家藏澄心紙界以烏絲闌欲書頗矜惜蠹蝕中半殘曉讀海市詩蜃氣青紅盤伸紙錄一過胸吞雲夢寬

冬夜偶成

坐傍觥船喜不空窗油靜掩護霜風細梅吹雪落詩硯裡火分光照綺籠束手竟無經世術潛心深得著書功蚓鳴石鼎茶初熟半在輕寒淺睡中

長至令節

聖駕恭祀

南郊禮成適得瑞雪喜賦

黃人捧日愛冬晴風挾同雲慘玉璽方甸蝗蝻氛早淨

園丘圭瓚瑞初呈  
卜年有稔三農慰  
敷化無涯九域平  
宸藻摛花飛六出

天心符契協

皇清

連日京城望雪甚殷祥霽普被宸懷尤深悅豫

廿八日入直早歸邀同陳夢湖太僕小集水琴山畫齋  
卽席

曉直鳴珂散行廚竹惹煙冠裳羈洛下風雪凍梅邊浮蠟傾醕  
酌游魚擘彩箋松簣寒吹激鄉夢攝山牽

白溝攀驛柳揖別惜恩恩兩地官曹接平生出處同朋交寬禮  
數讜論得環中驥尾教蠅附常欽哲匠工

菟裘喬木蔭相過喜題襟几案尊彝列松篁館舍深文書遮老  
眼林壑遂初心十萬天閑育連鑣寄澹吟



主恩濡湛歲莫漫賦刀環菊任荒三徑雲應戀故山爽鳩叨並  
忝豹尾復聯班指日屏藩寄蒼生未許閒

同懷弟法良校刊

男崇福謹校重刊

抱冲齋詩集卷十二

長白 斌良 笠耕

天閑勤字集五

正月初六日過吳蘭雪香蘇山館和韓昌黎城南登高韻

余性樂淡靜綺歲不好弄心交垂老深瘦蹇屢衝凍官閒緣政  
減葆真貴無用僮負古錦隨俸薄屏儉從香蘇山館開茗具都  
籃共吟筒疊蜀牋長鬚日持送園葩坼細梅逕草踏碧葑比鄰  
有佳構登頓遠晞縱胡爲馳逐客薄笨駕倥偬閉門潛頤光高  
躅夙所重

上元前三日蘭雪步月至清籟閣暢譚竟夕詰朝始歸  
并畱詩爲贈復疊前韻酬之

上元踏燈近掬月圓珠弄帽檐款竹局統如街鼓凍振策引孤  
詣高標養沖用鶴警夜卓午意外集賓從鑪紅一杓圍燭燄半  
窗共穿松撥蒙密官焙蠻奴送清暉被纖蘿殘雪冒積葑新正  
猶未破襟抱早歡縱嬉春轢霍靡遨頭逐倥傯方之玉局游今  
古孰輕重

上元偕諸弟踏燈戲成四絕

瘦策寬鞋記踏燈賞心風味比年仍狂譚同侶休迴避半屬詩  
僧半酒朋

眼波黿背爛光明新製酥花芋葉成聯袂嬉春歌和汝墳麗雅  
奏有同聲

蟾魄纔升樹頂圓逶迤深巷客摩肩索逋燈火宵來集轉覺繁  
華倍昔年

春盎吾人杖履中東風將暖笑言同誰分半燄星橋影去照流  
亡澤畔鴻

廿二日雪中李鳳岡太守

威

招集楊介坪光祿

懌會

李

蘭卿侍讀

彥章

姚薦青太史

元之

吳蘭雪中翰

嵩梁

飲於寓齋和韓昌黎寄崔二十六丞公韻

雪花掌大燕南關玉龍蜿蜒來西山尖頭老屋凍稍勁幽人偃  
蹇菰蘆間東風煦育酒鱗動餽餉肴核聯歡顏瀛洲仙客鳳池  
彥紆朱擁笏多安閒譚元鄒衍肆瀾舌語極險怪披蘭菅婆娑  
李老儷鴈鶴懷文抱質迴莫攀籬邊築榭曰登頓目無纖翳繁  
林刪浮嵐潑翠寫蛾綠秀句籠壁鏗瑤環不須鄉夢眷煙壑晴  
杲亂插梅花彎我今蠟屐共文讌獨披風帽衝寒慳冷吟閒嘯  
樂清晝天其有意憐癡頑

廿三日出西直門赴西淀途中得六截句

雪融溼脩途凍雲冪高樹鐙影漾籬邊知有漁家住  
石路望昏驚勞薪碾未停空潭圓鏡拓涵泳九天星  
晚市腥風吹魚蝦買處皆酒壚人語細路入淀南街  
官柳圍蘇幕昏鴉尾畢逋獐颯穿敝帽擊柝困鈴奴  
夜叩松間寺密雪灑巾幅老衲倚筇聽還疑鳥剝啄  
炙燭覓前題漏溼紗籠晚煨芋撥深鑪暮就山僧飯

借宿大樹庵夜深風雨驟至窗牖吹破衣半浸溼謀寺

僧借袈裟障之因題方丈紀事張茶農解元

深爲作

僧廬聽雨圖爰賦此以謝

風葉偏翻拂豆房溼雲渲紙墨痕涼事當尋繹情原逸圖出蕭  
閒味更長麻線袈裟慈佛蔭桃花組綬熱官忙四禪天際支頤

坐漫擬蘇笠屐狂

和陳荔峯閣學書懷兼送陳別駕桐生之官元韻

奎壁星精仰大蘇  
笑看棋局幾榮枯  
守株流俗憑呼馬  
縱博歡場任得盧  
松柏有心終入賞  
芝蘭繞膝儻堪娛  
翱翔點注丹毫側  
清要頭銜幸不辜

扇障西風庾亮塵  
海藏京國寄吟身  
久叨鸞掖窺清祕  
兩奪黿頭實雋人  
狂乞鏡湖思賀監  
醉投車轄泥陳遵  
錫香杏白虹橋路  
又逐宮鴉遠踏春

家山已過踏鐙天  
招隱心懷葛嶺巔  
梅凍香繁山字屋  
封荒秀徧衲衣田  
愁邊絃管消清晝  
忙裏輪蹄負壯年  
挈鷺提鵬慳舊約  
鱸鄉風物夢依然

絕代扶輪大雅材  
十年鳳閣恣徘徊  
散官進退差由已  
歉歲經

指海詩集卷十二  
三  
綸未易才愧我復紆桃蒂綬多君時餉竹根杯  
恰緣送郡增惆悵懷抱如雲試一開

書蘇文忠公奏議後

遮眼文書鐙火親百番奏議見經綸力辭金塔排夷裔謀國嘉猷服蓋臣

春雨和可盦弟韻

一雨苔痕綠椶鞋踏未殘柳邊添重碧花外漱餘寒有腳回春速無聲布澤寬鴨頭新漲拍詩思入凭欄

燕山弟擢建昌觀察入覲出都志別

峨嶠萬里寄書勤難得同袍共樂羣幾夜聯牀譚未罄那容夢草賦池雲

丁年判袂別中條北轍南檣驛路遙弓墮

龍昇多少事，變絲那怪晚蕭蕭。

身比山陰應接忙，指囷贈絹費斟量。團圓家慶差堪喜，昆季分

行壽北堂。

渡虎懸魚善政，紛循聲幸達。

帝天聞吏能安靜，斯民福不要人誇赫赫勳。

九弟 召對時 上諭汝官聲清

廉世家子弟 宜勉力爲之

相見原難預定年，幾回濡滯去長安。亦知覲面難爲別，襖被先

期敬詣

壇 齋戒期內余先入壇不忍次 日與九弟面別恐難爲情耳

春郊和可廬韻

暖風著柳作鴉青，又裊鞭絲度遠汀。垂綬依然小桃樣，撩人春

色數郵亭。

雙翦紅襟燕子忙，嬉遊意共大隄長。莫拌野鶴如蓬鬢，惆悵前



溪曉鏡光

燕南二月少飛花  
煦意先融野老家  
認得柴門水楊柳  
鵝黃纔綻輒金芽

茆屋甌香潑乳花  
車停來訪白鷗家  
一行翻羨汀洲雁  
伯仲相依老荻芽

春雪和李茂才

方煦

韻并簡吳中翰

句妙絕時人  
幽峭逼郊島  
清芬散齒頰  
淨影積鮮皓  
來麇定豐登  
豚蹄不待禱  
食爲民之天  
和璧庸足寶  
眼明三白飛  
腹果庶黎好  
雖乏負郭田  
時和屏憂惱  
淡對鶴巢松  
蹠躔羽衣縞  
樓臺浣鉛華  
新脫范蠡稿  
雄詞愧韓潮  
健筆遜張草  
吟箋莫輕出  
同舍有詩老

偶游廠店市  
瓦鉢一具陶  
質澄細刻心  
經一部極工  
家

松垞弟愛之卽以爲贈

蕭然巾拂外獲彼清賞物護世施齋餘脫粟呈我佛一鉢且隨緣繭纏惟冕紱

春日書齋寫懷和韓昌黎秋懷十一首原韻

甘膏被春原林樾睇蕤蕤幽懷藉詩鳴阻遏興莫已樂觀魚鳥情淨滌箏琶耳杜門懶應接偶爲看山起桃李爛成蹊芳菲濯錦似東皇固矜寵顏色庸足恃遐哉山澤臞高蹈遠塵軌葆真適天游無事日有喜

沃肥客非福澤車人必瘁豚肩漫掩豆衣儉不埽地胡爲縻好爵貪饕餮縱恣君子善持盈卓識流俗異居無赫赫名知希者爲貴

時艱民逐末纂組俗靡曼鮒脯羊頭發萬錢供一飯赤手思挽

狂力薄莫如願去雕以歸樸上行下自勸擗節裕禮教廣廈庇  
千萬緬彼琴鶴攜澹襟慕清獻金玉積如山富者眾之怨

羲和迴暖律北陸初消凌下帷養疏慵瑟縮儼凍蠅肯使初心  
違甘遭俗眼憎惛惛六聘山煙薺沈圭棧沿洄鮭菜亭湖瑩魚  
堪罾仰止巢許倫相期愧未能

梅梢夜敲門蓬頭有餘警灌耳竿籟喧默坐心悟永止謗貴白  
修登善力服猛濟時膽輪囷弃浚乏緇綆政減秩樗散翻得蕭  
閒幸絜華壽萱堂浮雲萬緣屏

奔騰下坂輪擲叱惜韶景十萬馭天閑綰綬追伯冏宦轍感屢  
遷萍飄遜土梗栖栖果何補輶軒及衢騁陋哉埽門人擁篲事  
謁請

懷璧匹夫罪照乘恥投暗鉛刀鮮割用棄置復何憾從來高明

家連楹多鬼瞰素履師顏原衣粗甘食淡維時南郭隱仕齊廁  
竿濫相依豈朋儕卑棲計只暫持志等操舟風烈亟結纜潛心  
向典墳魯魚靜推勘懸磬嘗晏如乞米不盈甌

章甫擁皋比燈燭熒西軒挾持兔園冊窮理若駿奔我暇嘗過  
從告誡孺子言汝生紹先烈檠戟張門前韶齡履華撫耆戴充  
盤餐胡不勵乃學簡練絕韋編乘時振雕翮明經選佛千世祿  
鮮由禮白眼輕儒酸博塞聚酣嬉三竿猶晏眠歲月不我與勗  
旃斯少年

燕京風色勁瓦溝積葉乾千繖舞雲梢蒼玉鏗明珩茗話漸移  
晷品字列坐團敦槃羅四座竹居吉且安淥漲高梁河雁齒低  
層瀾酒醺卓女壚金逐韓嫣丸抗懷豔班馬懶控矮面鞍

近審不承睫遐聽雷無聲責人重以周省己苦不明倉卒貌取

人足恭誤敦誠不器驗瓶罍小受倏滿盈文鋒摩筆陣意城敵  
心兵經邦鮮寶惠節鉞辜寵榮精誠貫金石豚魚足驅令  
薦蘿翳松柏引蔓寶娟好王陽據要津貢禹彈冠早往哲今不  
作竹素等師保詩書澤吾躬氣華神不槁踐迹遵聖途前摩盥  
用道

雜興十一首仍和前韻

林陰鬱蒼蒼草心秀凝凝小園勝亭榭日涉情何已時禽忽變  
聲簫舌堪悅耳約白竹窗深納翠山樓起偶然構詩篇長鬚持  
送似句劣恬不怪交醕久堪恃貪賞半庭花懶結九衢軌借得  
異書看沾沾頗自喜

花南畦幾稜芝艾別榮悴蘆芽利如錐方春穎穿地何如鴨腳  
芹採食隨意恣學樊事勸糲沖抱風神異朱門只自囚興適真

豪貴

同塵穢其迹作達東方曼老妻偕稚子盆瓦炊菰飯汗邪祝滿  
車余分豈奢願圓笠聚平蕪戴勝春耕勸西成定登穫斯箱卜  
盈萬小人曷敢私于公玆獨獻豐歉代有之心平泯尤怨

東風暖如炙溪渚開凝凌魚苗秀新漲戢戢饒于蠅雪霽眺西  
山淺黛眉一棱野渡聞無人襤褸蕭蕭窺簷鄰叟偶招飲爛醉吾  
猶能

村童新入塾記誦喜機警小姑學縑絲相伴更析永寥空奏琴  
笙樹戰風力猛華門壞樞傾束縛借靡綆澤鴻悲蕩析居穩三  
椽幸地偏少過尋浪傳甘退屏

被襖大河湄晴川含藻景僧廬竹脩脩漁屋鐙罔罔意行鮮定  
蹤泛若受風梗醯雞困甕天跌宕曠懷騁絕勝踏輭紅低顏甘

造請

危構顏話山檐牙榆柳暗榛芳亟翦除漫遺毫髮憾萬瓦魚鱗  
鋪參差俯臨瞰金輪插漢高湖光溼襟淡亭危號三休登頓不  
嫌濫涼襲紫蕉衫吟賞祇宜暫柳栗短可倚瓜皮輕莫纔蜀箋  
滿籠紗推敲費點勘有約到重陽村醪酤一甌

汲泉滌破觥灑埽池上軒陌上花亂開相告童子奔田父偶過  
存倚杖同笑言黃泥坼家醅榛栗飢几前胡必饜梁肉蔬食當  
晚餐扶策課晴雨浩吟成一編鄉里稱善人不羨結駟千莫厭  
魯酒渾莫厭齋饗酸號呶任酣醉藉藁石上眠優游樂莫樂鼓  
腹歌豐年

稅駕國西門車聲石路乾高橋互彩虹碧浪濯翠珎山茨設茶  
肆餅煮小月團煙景媚難繪五字期吟安翼然亭枕流倒影漫

碧瀾車鬪錦雲聯彈弋黃金丸誰家白面郎花裏簇雕鞍

春陰開霽色芻尼靜飛聲雲破花影飾晶瑩紙窗明伸毫書蠶  
尾筆正心精誠時作或時輟尺幅常不盈乞酒笑從事圍棋布

疑兵盆花綻蓓蕾向暴移南榮呼童童窺園頑劣難使令

渠潤灌連筒宛轉隨處好插枳界畦塍東皋農事早老圃漸不  
支助力覓傭保鋤泥培宿根舊植恐枯槁卽事日多欣妙語淵  
明道

### 春夜偶成

縵繆簾幕隔春陰鵲尾金鑪蕤水沈習靜每貪方夜讀憶雲略  
廢采山吟宦情峻阪初迴馭心緒風枝未穩禽婚嫁向平勞計  
畫世緣那及道根深

### 石上苔



雨點皴濃厚疊蒼豐林蔭遠淨氛埃同岑共領蕭閒味可有忙人得坐來

### 三月朔日游大慧寺

梵刹崢嶸峙飛甍插斗杓碑趺驂偶繫佛頂雀爭朝石鎮難牽

挽

寺後有太湖石甚鉅未能輩去

松神自動搖

閣前有古松一株牽一枝則百枝皆動頗著靈異

夕陽

空翠裏僧尊入蕭寥

荒棘豐碑臥西涯墓道昏

寺西偏有明李文定公墓前輩法梧門於墓前曾建祠宇歲時修祀貂

璫威尙赫

祠旁明尙衣監太監墓猶存

魚菽祭常存善類嘿全眾詞源驚放

奔先賢多惠愛他日待重論

### 動搖松歌

大慧寺前有古松三株客訝何時種兩株兀立薜牆陰一株高聳如鸞鳳唐耶宋耶杳莫知老壽彭佺相伯仲蒼皮僵裂龍鱗

皴枝幹蟠拏蛟背凍白日灑面綠雨涼晴濤灌耳殷雷闐撐空  
寶蓋竚麗張黛潑鍼穿碧無縫野僧指點說瑰異一枝動搖百  
枝共細思物理昧厥旨恍惚驚猜真寤夢十圍本大解帶量孫  
枝亦復粗於甕匹夫角力能幾石千尺喬柯受擁弄詎是蒼官  
暗主持推之挽之任操縱不然脈絡膏血通牽髮身搖中貫綜  
洛陽鐘吼銅山頽氣類感召非鑿空惜哉偃蹇守巖阿有誰拔  
擢王庭貢寄語工師慎簡擇長材儻足支隆棟繞樹盤桓涉遐  
想以手撫松若持鞚搖松默數卜壽年肇示先機或奇中鶴算  
適符八秩開蒼髯仙叟爲余頌他日年登耄耋期挈酒扶筇訪  
芝洞

是日手搖松枝潛卜余壽至八十  
一度松枝忽爾不動故附及之

曉出西直門馬上得句

熹微曙色馬頭侵鞭指銅鉦挂遠林巒翠攬雲昏似睡湖光捲

地白於心小桃山店薄寒峭疏柳石橋新漲深彷彿年時踏青路野棠亂發噪春禽

青青水中蒲三首和韓昌黎韻

青青水中蒲疏葉難蔽魚載瞻沼沚茅曷日葺幽居  
青青水中蒲鳬鷺相與居傳語馳逐客蕭閒或未如  
青青水中蒲翠芽冒煙水不見黃山松濃陰遮百里

大井村至肥城書所見

西山屏障枕河流煙薺荒荒抱戍樓月細風尖驢子背慣默詩  
夢度廬溝

雜興二首用韓昌黎秋懷韻

芳園傍水湄交加樹薺薺濬塘架崖厂結構勢未已登登伐木  
聲殷雷遙灌耳延月竹房開飲淥山樓起花光映迷離屋背櫛

比似從來許史家，貴幸豈足恃不見金谷荒蓬蒿。沒車軌玉川破屋雙，俯仰亦可喜。

珥貂服蟒玉，壯歲頗娟好。綬若垂腰，僂風光苦不早。賢者失其位，受侮到傭保。言語不殊眾，落寞形神槁。貴來方悟稀，解語詩人道。

答吳明府

曾貫

書問訊

蒼涼盤豆驛，三千尺幅蒲箋問訊偏。三載京朝風趣好，僕寒馬瘦笑依然。

大樹庵偕僧話舊

車韻泉聲接松關，半未局甌香浮淺縹峯。晚伫深青春暖花房，坼齋餘粥鼓停懶。殘食話久圓月轉疏櫺。

春日遊覺生寺僧

微遠

導登鐘閣看山和查初白舊韻

春溪繞寺水消凌門外蒼髯引瘦藤桃萼灼如初嫁女竹枝定  
似退歸僧淨除五種肉猶可閒品六班茶未能雲隔莊嚴鐘閣  
峙看山興勇攝衣登

新製曲闌戲題長律二十韻

九十韶光麗幽闌製繞庭花扶四圍靚薜蔓幾弓青亞字環干  
帀疏窗借半櫺曲猶存直體虛不礙奇聲露重侵晨溼曦圓卓  
午停絲枝低漸壓窠石峭新鉤點筆疑箋滑敲詩當鉢聽華張  
叢錦幄響曳小金鈴細飾王鉞榭猩迷竇毅屏醉餘衫袖倚公  
暇履綦經細雨桐陰徑斜陽竹裏亭春痕穿蛺蝶纖影立蜻蜒  
亦有臨波築何妨待月局芳遲紅躑躅漲拍碧涵亭蟾魄通宵  
轉鶯簧隔坐聆淺棧閒鬪鴨深隄暗捎螢梨雪增惆悵楊絲拂  
亂零賞心評酒戶潑雨憶茶廳選勝誰題柱司香漫乞靈儘教

栽芍藥高會聚文星

客有贈黃花魚者戲成長律二十韻

薦鮪當春仲津門錦纜牽舟乘早潮發名藉晚香傳丙穴千頭  
聚丁沽百里沿腥風飄驛舍冰雪護醫船豐香槐花卜參差柳  
線穿奇方拋玉尺買豈吝金錢食指晨猶動饒投老益便鳴蠶  
宜竹裏搗桂自砧前詞客開尊賞敝人漑釜煎狂吞芒刺少細  
漉沫濡涎紫磨看鱗閃黃瓜別字妍蝶翻紛切縷雀訝共披縣  
對翻蛺蝶見宋人集黃偶億邗江泊剛逢碧浪濺槎頭初截網  
雀披網見東坡集中當鮪快登筵雋味尊鄉獨餘芥角里偏何期燕塞住更結水村  
緣北產誇殊絕南烹試偶然枯難小池蓄儉每後堂懸釣渭懷  
真隱觀濠悟妙詮承筐拜嘉惠敢說兆三鱣

自法源寺步至崇效聖安兩寺看花

三寺城南近接聯尋芳應號海棠顛阿師戒力須堅固莫使鶯  
花豔破禪

聯翩裙屐五人同來聽闍黎飯後鐘悟得華嚴真富貴天香樓

閣見雲中華嚴富貴  
見楞嚴經

寶相曼陀壓梵林瘦權禪味碧松深旃檀瑞像遷中禁只牘風

檐語鐸音寺舊設旃檀佛像於乾  
隆四十二年移入大內

廿七日松垞可龔兩弟邀同汪別駕芬買孝廉元慶游

法源寺早齋即題方丈

同來蕭寺步初晴一貼茶緣氣味清座上巾單新講席壁間詞  
翰舊名卿海棠光泛紅猶漲蘿薛煙疏綠未成蔬筍酸齋知味  
少翻教肉食蟹崢嶸

游豐臺看花

喜無塵漲遠都闔土潤泉香好結鄰竹樹迴環村十八山茨半住賣花人

居民種芍作瑤田紫玉瓊英望似煙玉立萬妃齊破笑惜無樓

觀湧中天

豐臺芍藥栽植甚夥爛若雲錦居人半業賣花惜無亭榭止賞玩耳

葦箔當風四面羅嬌花豔葉植婆娑不栽菽麥田多利生計翻

輸郭橐駝

豔說黃金買笑偏西河詩老意纏絲仙姝應向花王乞漫謫人

閒劇可憐

康熙間西河毛奇齡買妾曼姝豐臺賣花人女幼時夢侍花神殆仙姝偶謫者耶國初諸老多賦其事

彌羅閣

霞標涌晴空飛蜚豔雲表雙壁鬱嵯峨扶畱翠條繞入門四櫺蒼翠微撐屏篠碑猶蝌蚪鐫鼎絕篆紋裊當楹壞榜懸字迹雙眸睜大書順治年內帑中官紹道士郝清勤齋醮祝元眇瞥眼



百五秋丹碧壓叢篠鐘魚寂不喧黃冠住已少牆陰諸葛花香  
風破深杳

四月十一日崇效寺僧

實修

約看牡丹卽題方丈

蒲筵無可曾相約報到鼠姑開滿叢侵曉名花含露氣清和蘭  
若尙春風鬢華璵珞諸天麗陸海珊瑚七尺紅今悟逼人眞富  
貴涵濡多在佛光中

和作

錢唐

許乃普滇生

一水靜搖天小雨高軒穿過綠雲叢新詩乞寫免毫筆禪悟  
清生麈尾風笑我索居耽室白讓君俊語賞鞵紅居庸煙樹  
天山雪多少吟懷驛路中

時笠耕先生將有出塞之行故末句及之

十五日至大樹庵宿次日奏派查馬

七日爲期一東裝閒官值舍借僧房一年好景今誇最梓樹花

開照佛廊

三年司牧愧無功  
四萬龍驤牧字雄  
藻鑑驪黃慙伯樂  
居然

詔許冀羣空

明日奏派赴察哈爾  
那林郭爾查驗馬匹

同懷弟法良校刊

男崇福謹校重刊